

林琴南先生著

畏廬短篇小說

普通圖書局印行

857.63
261=2

畏廬短篇小說目錄

桂珉

舒雲南

春雯

柯紅豆

趙倚樓

秋悟生

伍氏

吳卓士

謝翠翠

穆東山

鄭問

柳枝

畏廬短篇小說 目錄

一

六

一一

一七

二〇

二三

二七

三〇

三一

三六

四一

四七



3 0528 3362 5

A 066107



畏廬短篇小說 目錄

二

綠筠	五十四
玉格	五十七
寶綠波	六十四
謝蘭言	六十九
洪石英	七十六
柏梵娘	八十一
林鴈雲	八十六
呂紫娥	九一
胡蕪玉	九六
天天	一〇〇

畏廬短篇小說

閩縣 林 紆 畏廬纂

桂 珉

閩之梅花村。在長樂海濱。四望皆海。居民多業漁。春夏之交。石首來時。布帆點點。蕩其醉白於滄溟之間。船歸則滿載。皆魚。恐不及登市。而魚餒。則剖腹納之。以鹽嚴封。巨簞中入城時。城人聞魚自長樂來者。價倍於常。魚有蔡翁者。素封也。不業漁而業夏布。然其戚屬皆漁郎。翁每年誕辰。則羣漁咸以魚爲壽。有謝玉井者。年十八。白皙美風儀。聰明能讀書。然其父至頑。直目不知書。痛詆書生爲餓殍。強之行漁。蔡翁識謝父。而憐玉井。謂此美材。可惜。不當聽其入海。謝父曰。吾老不漁焉。生且城中讀書。人吾固見之。長袖而百補。其衣着拖履。吸芙蓉。膏面有菜色。其成就爲訟師耳。吾家世漁。奈何變業爲訟師。而隳其家世。蔡翁知不能動。然甚憐玉井。而玉井亦感蔡翁。恆至其家。乃不知蔡家之有玉人也。蔡翁年四十餘。始得一子。而幼愿。然有女名桂珉。絕美。平日不事梳掠。恆以魚白之絹裹頭。雙鬢如漆。露諸絹巾之下。耳簪小璫。玉貌櫻脣。天然入畫。少從葛

秀才讀秀才年七十餘甚愛桂珉盡以所學授之故桂珉頗能誦古今詩歷歷能道其佳處特不常作當玉井至時桂珉恆不相見一日雨盛蔡家墻圯牆中花竹瀟灑小徑一道入竹深交卽爲桂珉臥闌蔡翁就雨中督匠氏修墻而玉井挈雙魚將鮑蔡翁適過壞牆下初不見翁翁呼曰玉井汝攜魚安往玉井赫然旣面爲翁則曰此魚鮑翁佐酒耳翁曰何爲犯雨而來今卽從此入省繞道嚮吾門桂珉自窗中呼曰阿翁與誰作語翁曰玉井耳女固聞僕媪言玉井美且憐其家有頑父恆欲面之卽自窗間望玉井年可十八九兩足如霜冠簪笠髮辮盤其頸明眸皓齒果加以巾幘者則娉婷一好女子也翁旣聞女問卽謂玉井曰此吾愛女玉井非外人可相見玉井聞言去笠下其辮二頰盡絳釋魚於花台之上俯首進揖不知爲禮但抱雙拳拱其面無敢正視女尙落落問曰聞玉兄舍業而行漁海上風濤險也玉井怩忸久曰此老父所命死何敢辭女聞言愕然因亂以他語曰玉兄且赴前廳與家君共飯時女已喪母三年躬自撫其穉弟翁內政咸屬之女女自見玉井已定終身之計自是以來數見亦不歛避時時流目送睽而玉井兀然如石人女竊引以爲怪時爲八月蔡翁誕辰賀客又皆以魚至玉井

獨購雙樺燭。爲翁壽。翁悅。是日。玉井。輓矣。漁語。座客謂玉井。天產一好書生。乃抑之。使行漁。世有漁郎。昌其家。耶。玉井忽對曰。不如翁言。漁人雖不能富貴。然行海樂也。晨光微動。海東日輪色正。赤海光燦射。幻爲五色盪漾。於空明之中。秋風微動。海平如鏡。魚隊相逐。去船不盈丈。拋網引繩。一收網得魚五六。或十五六。既上舟中。以尾擊艙板。作聲一一。閉之。艙下既飽。其鮮復可得。錢較之。逐逐於勢利之場。營營於奴隸之藪。不寧佳乎。翁未答。聞房中有女子笑聲。翁曰。玉井所言。吾女似以爲可。天下固有不更事之人。亦偶得其同志。玉井默不敢答。羣漁無學問。亦不知所謂。勢利與奴隸。何指動頤。張吻以待酒。至。然女自聞玉井言。知非凡品。益欲與之接談。一日。故以事過謝家。與謝媪語。媪蠢蠢然。心慕女富。亦加禮接。三數語。外輒雜以魚腥。似其家。託魚以生者。女閒行。過玉井臥處。一榻一案。案上亦微陳筆墨。有書十餘卷。其一似輞川集。女不敢入。心計玉郎能讀王詩。殊中。所懷。方徘徊間。玉井已歸。見女愕然。問曰。姊氏何爲。惠顧寒舍。女忼爽答曰。來省老母。吾惟喪母。故重人之母。同于己母。玉井曰。此固姊氏。謔量然。貧富懸殊。吾不敢忘其素分。以冒進。玉井意齊大非偶。且求婚亦萬無曲從之理。故以正辭。

決女。女知旨。卽不言。問以海上日來浪動。能否行漁。時謝翁夫婦咸至。延飯。女不可。匆
匆竟歸。是日玉井已合數舟入海。時爲下弦。缺月出於東山之上。發光幽闇。女登樓望
海。見漁帆數葉。出沒於浪花間。憶玉井。決在是間。不期廢然歸寢。卽夢有人。蟻舟於門。
舟中有一老婦。髣髴謝母。卽而視之。則又非是。語曰。謝郎方在海上行漁。對月高歌。吾
迎汝往聽之。女匆匆下船。媪立張帆。咄嗟間。已近漁槎之次。見玉井拋網海中。樞亭不
進。玉井對月下歌曰。下弦月下弦。月蝕了一半。明蟾窟。我不憐。憐桂花。桂花香。心如
麻。深深屢下娥。娉拜等閒莫。遣韶光。邁韶光。邁斑鬢。毛。桂。珉。桂。珉。奈如何。歌聲嘹唳入
雲。女欲逕前與語。忽海濤一白如屋。立見玉井舟翻於波中。瞬息無見。女大呼而醒。然
知是夢。竊以爲非祥。計此身必屬玉井。萬無第二人足託者。顧海事險。蠟玉井果婿。吾
家或能變業。不至爲風濤所蝕。計定。乃以婢招徐嫗至。徐嫗者。與謝不連。時爲蔡翁所
周恤。女吐其誠款。徐曰。玉井行漁。是以金盤貯狗矢。吾觀若翁。亦禮重玉井。果能以人
求婚。或可許也。乃求私面玉井。一日果遇之。途徐曰。玉井安往。玉井見爲徐媪。亦殷勤
道寒温。徐邀玉井至家。徵述女意。玉井曰。桂娥意良厚。然試問吾家何者足匹。桂娥。蔡

翁固厚我。然憐我。非重我也。吾父母。非仗吾。漁。得生。增一妻。必增數子之累。試問一網之微。能供數口耶。矧海中風波不常。且晚之命。殊不可保。吾雖僥倖求生。然決不令桂娥孀獨。請媪善辭。桂娥徐曰。玉郎既不屬意。蔡女胡以夢中作歌自喚。奈何。玉井大驚。顏色喪失。問徐曰。媪何爲入我夢中。吾固有此夢。實未嘗語人。且曲終。鑿海提之。令人心緒灰冷。想桂娥必與我同夢。夢噩彼當知之。今乃以媪道意。乃不虞爲杞梁妻耶。徐曰。夢境幻變。可以心術讖之。玉郎萬無可疑。趣以媒來。必可集事。玉井毅然以爲不可。徐媪遂歸語女。女心乃益重玉井。時鄰鄉有王大者。虎而冠者也。與梅花村某甲。門爲甲所斃。于是不鳴之官。兩鄉聚而械鬥。鄰鄉死者五人。梅花村死三人。則搆大訟。閩俗訟殺人者。不訟適兇。必取素封之家。謂其殺人。則羣指蔡翁爲元兇。捉將官裏。被以毒刑。翁罄家獄不能了。瘐死在長樂監中。女長日如淚人。旦夕挈其幼弟。往反縣城。玉肌消瘦。渾不如前之妍麗。既理父喪。家乃壁立。則與其弟依徐媪以居。而玉井者。知女悲戚。顧不敢臨問。但時造徐媪家問狀。避面不敢見女。一日入海遇殍尸。而伏流視之。女尸也。玉井驚曰。女尸恆仰。法不應伏。乃合其同舟。以篙引之。至岸。女尸懷金釧六。

計之得黃金二十兩。玉井曰：分金適平，然必瘞此尸，賣金而購，於是玉得黃金九兩，餘父母咸悅，將爲之成婚。玉井堅不可，其母問狀，玉井曰：但問徐媪得之矣。母果召徐媪，徐歷述前事，乃以人求婚於女，女可之。逾年生一子，玉井雖擁豔妻，然終以夢噩爲虞。明年入海，颶風起，舟果覆，父母亦繼逝，女挈其穉弟同居，撫孤以長，以丁卯科舉人官四川知縣。

舒雲南

雲南之徵江府，在古爲西南夷，漢元封置俞元縣，屬益州郡，蜀漢則屬建寧郡，梁屬南寧州，隋置昆州，此地屬焉。唐天寶末沒於蠻，號羅伽甸，宋時析爲三郡，元置羅伽萬戶府，明洪武十五年改爲徵江府，清仍之。其地崎嶇多巖石，林箐蒙密，時時見虎豹，而近山之家未暮輒閉其關，月黑風高，虎來攬門，巨爪陷門，寸許，村人則力堵之，虎亦不能入也。有時俚鳴啾啾，雜風聲，嘯於門外，村人知有虎至，或比舍鳴金呼喊，俚亦震懼而去。蓋風俗然也。近材有舒翁者，年四十餘始生一子，名曰南雲，翁不識字，以生爲雲南人，卽倒用雲南二字爲南雲，識者謂翁將以南雲望其子，實則非是，南雲生而多力。

能舉石白。兼數人之食。尙不能飽。翁無事。令其行漁於溪上。而南雲性躁。不耐於釣。顧重違其父言。則以石壓其釣竿。自偃臥於竿側。魚卽上釣。亦不之知。或終日不得一魚。一日睡醒。見溪之下。流有爛竹一節。衝流而逆上。異之。乃揭水取竹。竹中有物。躍躍而動。登岸剖視。則一巨鮠也。粗如兒臂。其長尺餘。背上有紅點。南雲大喜。歸而烹之。飲酒三四升。奇飽而醉。於是濃睡三日不醒。翁大驚怖。疑其死。顧視其項。汗出如蒸。肌膚温煖如恆。惟脈息洪起如巨潮。觸之彈指地無良醫。亦不審其爲何病。更一日。南雲醒。以手拊床。床立陷。旣坐。床不能載。於是踴起。斗出。以拳拳屋前石。燈立碎。則大喜曰。吾自食鮠。筋力暴長。至此舉千觔非難矣。而食量益肆。翁不能堪。乃令出爲人傭力。城中蓋屋。巨棟高梁。十數人不能起。南雲以手舉之。初不喘息。以是常兼十人之獲。雲雨地瘠。而工廉。雲終日所得。不及千錢。願已盡飽之腹。有破山寺僧醉葉者。風僧也。瘡喘如危病。行步踽旅。時出乞食。忽行經南雲坐食之處。南雲方煮一豚首。米五升許。據石而啗。僧向之乞食。南雲欣然曰。阿師所食能幾。請分吾食百分之一。足以供師一飽。僧曰。乞居士舍此豚首。雲大笑曰。師能盡此耶。僧曰。衲長年忍飢耳。非吾量之仄。居士果見舍。

請以俄傾盡之。雲笑曰。可。僧挽袖取豚首大嚼。頃刻而盡。剩白骨焉。雲大驚。問更能飯否。僧曰。留此以供居士。衲不願肌人而飽己。於是雲遂噉晶飯。起而從僧行。僧問何爲。雲曰。師必異人。請相從爲學者。僧曰。居士無佛骨。可授者或武技。雲大悅。遂相從至寺。僧授以運氣之法。舉周身之氣。從左右臂而出。爲力千觔者。一揮之力。卽千觔。以千觔之力。蘊諸一拳。世再無當之者矣。又授以彈法。百餘步之外。塗丹於柳葉。彈至而柳葉落。於是雲晝日爲人力役。夜則宿於寺中。從師習技。積三年。藝成。然人亦馴謹。歛氣不發。時挾彈行獵。恆得狐兔。得錢。自贍。並贍其父。時亦沽酒飲。僧一夕飲醉。忽語雲曰。明日汝行獵。當得一虎。且並得婦。僧醉語膠。雲但聞得虎之言。並不審其所云。得婦以婦虎音同。以僧爲重複語耳。是日晨起。懷刃挾彈。裹糧入山。巖日初吐。山紅澗碧。候過中春。雲出乾餼。飲山水。四顧景物明媚。似一身已裝入山色之中。則大怡悅。自恨其不識字。無能詠之篇章。坐思方酣。竟忘其覓虎。忽叢箐之中。腥氣斗動。草木中裂。斗出一虎。其狀甚鉅。見雲奔仆。雲不及彈。起立。虎高跳及丈餘。雲疾避。力挽虎尾。舉而摔諸石上。一摔而虎之顛骨碎矣。細審虎背。已着一弩桿。上有字。雲不能識。方拔弩睇視。而箐

中出一少年。素面如玉。急裝纏袴。呼曰。僮父汝得吾虎耶。雲受風僧陶鎔久。心性凝斂。無復狂獷之態。卽鞠躬言曰。吾臨溪而飲。此虎斗出。幸握得其尾。力摔之石上死矣。不爾。吾命且岌岌。今足下言虎爲君有。決非家畜此物。用以噬人。少年曰。虎非吾畜。然實吾行獵所得。君不見虎背有吾所發弩矢耶。爾手中所執者。吾名卽在其上。雲二頰皆絳。自憾不能識字。復鞠躬言曰。小子未嘗學問。二目若盲。實未辨弩上所鐫爲何字。少年哂曰。如此英武。能徒手搏虎。乃不識一丁。可惜也。吾姓莊。字桃屏。貴筑人也。流寓在此家。有老母。待吾行獵而食。今得此虎。貨之將支數月之糧。不圖却落爾手。雲曰。然則足下孝子耳。請以全虎奉饋。並爲肩歸。造門拜母如何。少年大感荷。雲遂駛此死虎於背。厥狀如執羔焉。二人排荆箐而行。山半有茅屋一區。少年曰。是吾家也。雲步履旣迅。少年亦趨捷如飛。至門。見一老姑。姑坐榻上。壁間懸狐皮無數。家具蕭然。少年入告。述射虎遇壯士事。母大駭。起而視虎。虎頭破矣。急問曰。壯士何名。少年曰。未之問也。母曰。汝曾告以姓氏乎。少年曰。告之母。哂曰。壯士不自通名乎。殊樸嗇可喜。卽曰。虎固小兒所射。然未殊也。不有壯士。虎焉得死。壯士何名。請以見告。雲曰。小子舒姓南雲。適見公

子以英年善射。有慕於中。故以全虎奉饋。用爲納交之贄。母曰。贄重矣。令淪茗。少年燕火。火熾而熱。乃去其束髮之巾。則雙髻如漆。初不雍髮。厥狀如閨女。雲大愕。母曰。壯士勿駭。吾兒少多病。有胡僧言宜蓄髮。僞爲女郎。庶可以長。故年近二十。仍不雍髮。雲愿懇以母言爲誠。卽亦不疑。若已告辭。母子伸謝。桃屏送雲至半山而別。雲彈弓尙留溪次。至時彈弓之上。忽裹一書。亦不辨其所自來。憶桃屏識字。將裹以示之。時已薄暮。遂歸至寺。告醉葉僧。侍者言師已往朝五台。云曾有書示居士也。雲悟師爲神僧。彈弓上所裹者。必師所爲。明日懷書至山上。桃屏已貨虎於市。雲坐待。時與母言。母意將留飯。雲曰。雲飯量巨。母恐不能供也。已而桃屏至。得金二十兩。並購鶴鷺米麪之屬。以二人肩歸。見雲大喜。雲曰。別兄至溪上取弓。不知何人以書加吾弓上。吾不識字。請兄爲我讀之。雲發書。桃屏讀。未竟。顏色立變。絳縹間。駭意似慚。赧。雲趣問何語。桃屏不能答。以書授母。母讀時。點首微笑曰。緣也。余老矣。胡能恃汝自活。不爲汝計終身。汝出。吾自應客。桃屏迴顧南雲。眉目之間。含意欲伸。匆匆自出。母曰。南雲。汝知吾子爲何人。南雲曰。母子皆賢。母曰。此非吾子。蓋我愛女也。南雲大驚曰。女子安能精於武技。母曰。吾貴筑。

人亡夫。曾任總兵。從岳大將軍陣殞。家貧不能自立。幸亡夫生時。盡以武技授此女。尤長於弩。能百步外射人眉目。匪不中。雲愿卽曰。然則射殺人不少矣。母曰。何爲其然。蓋畫人於壁。試之耳。雲曰。吾姓簡而急。非問母家世。但問書中何語。母曰。南雲汝不曾師事醉師乎。雲大驚曰。此書詎卽吾師所謂請母爲我誦之母曰。可卽應聲誦來書云。南雲汝得虎矣。衲不預言得虎。並得婦乎。桃屏非男子。蓋閨秀中之英物也。若翁謹愿汝復忠篤宜美。婦且賢孝。足爲汝匹。此書持謁莊夫人。婿汝可也。衲匆匆往朝。五台不及握手。至悵南雲聽已無言。凝立視夫人不語。桃屏忽入。以手推雲。令踞雲始悅。繼則大笑。於是伏地癡拜十數。始起。母女亦笑。母曰。宜歸告若翁。蠲吉成禮。雲如言。不期復拜。翁聞雲言。得賢婦大悅。自至山中。見莊夫人。而桃屏已匿。翁於是草草具禮。迎莊夫人同居。而南雲三十有二。以軍功顯。官提督。翁與莊夫人猶及見焉。

踐卓翁曰。天下惟吃虧者。恆得便宜。一虎之值。值二十金耳。得一美賢之婦。價實不貲。故天下惟忠厚人。往往得意外之福信哉。

春 雯

薛大呂夔州之奉節人。有妹嫁成都富翁李氏。婿本儉。荒生子肇。洛肥碩而愚。年十歲矣。尙不能辨菽麥。薛妻何氏有弟。璵。生長於詩。生子潞兒。明秀而嗜書。年九歲。其事何氏夫妻。行孝如成人。以貧故。常依薛氏而居。薛無子。但有一女。名春。年八歲。雖雛髮未燥。而媚態天成。見者咸悅其美。麗翁夫婦。尤寶如拱璧。潞兒在側。與之相映。則一雙璧人也。何氏以無子之故。甚屬意潞兒。顧大呂嗜利入骨。頗居奇其女。意以歸肇。洛何氏屈於其夫。又念外家貧薄。故未敢示意。翁知之。亦僞爲無覺。一月之間。必與李氏通候。書中必問肇。洛。顧薛亦非貧。能延師。何氏遂令潞兒與春。璵同學。潞兒慧倍常童。凡三年。已十一歲。搖筆千言。八股中時時見才語。塾師不能加墨。但有圈贊。明年入邑庠。文宗拔取第一。何氏大喜。而薛仍弗善也。但太息肇。洛之不獲雋。實則肇。洛於兩孟未之畢也。璵生嗜酒。日與詩流結伴。遊蜀中山水。置家事不問。方潞兒入泮時。璵生尙宿青神山中。也。又二年。潞兒十四。春。璵十五。兩少無猜。至是亦漸漸梗以禮防。是年鄉試。潞兒中副車。媒妁盈門。潞兒語母曰。勿爾待兒入翰林。再議未晚也。母知其意。屬春。璵。然貧富不敵。猶冀其獲萬一之濟。璵生則大笑兒愚。謂其姊壻。蠢蠢一田舍翁。卽與

爲婚已足爲清門之辱。汝奈何慕彼女之色。降抑而爲秦贅。妻怒曰。旣鄙由舍。君汝何爲。以妹。儷之。君旣降格。而嫁妹。吾兒何不可降格。而求婚。璈生大笑曰。儻父別有性情。汝惡知之。彼豔李家之富。李子卽蠢如豬狗。亦願以愛女投之。賢不肖之見解。寧可以道里計。果天緣有在。則春雲終屬。璈兒汝胡急急。且兒年不過十四。非論娶之時。何妨待之。姊氏終是吾家氣脈。必能保衛是女。不淪于猥賤。於是議寢。明年乾隆以六十萬壽恩科。璈兒領解。李氏大憂。急以媒氏求婚於薛。薛慨許。且大悅。以爲愛女所得。何氏力爭不得。議遂定。女知肇洛不慧。則嗚咽不食。何氏雖千方婉導。終慊慊如罹重病。璈兒聞薛允婚於李。心痛如割。立仆於地。昏不省人。何璈生夫婦驚悸亡魂。母憂兒危。且惜兒癡。顧相向無術。已而得救。能呻矣。何夫婦掖而就榻。大病涉旬。何夫婦日不去側。而璈生詩酒之興。冷如冰雪矣。日就床寢。舉古人言行。婉導而微董之。言外示以天下多美婦人。不必刻舟求劍。爲薛女所羈絆。戕其有用之身。璈兒伏枕心佩。父訓顧不能作答。時爲長至。後璈兒病起。璈生引之登魚復城。望八陣圖。與講漁洋詩中所謂。魚龍夜偃。蛇鳥秋懸。用偃懸二字之佳。並一導以詩學。璈兒者嗜文而不嗜詩。又爲薛女。

之故亦頗思爲詩意亦從其父受業下城後忽見一道士持籠中飼秦吉了能作人言一見潞兒卽呼曰何子琬汝來遊耶子琬潞兒字也則大驚失色璩生亦愕顧不能語道士笑曰居士勿驚此數句是老衲預教之璩生曰素與練師無素又何以知吾兒之號道人笑曰郎君不於今科領解耶硃卷中名字爛然又赴鹿鳴時衲曾見之卽指示此鳥少年爲解元君何子琬此鳥絕靈故一見輒識又何異之有父子聞言太息對鳥問答甚了了而潞兒尤戀戀不去道人笑曰解元愛此鳥乎衲世外人無所用卽以贈君因面籠言曰了哥珍重從新主人然爾主母雖由爾而來嬪將來必不愜意於爾爾可述道人言告主母非汝不得此好因緣也大笑揚袖而去父子聞言莫解大聲呼謝遂攜籠而歸時何氏聞潞兒新愈置酒招之並聞乞得秦吉了請其攜鳥同來璩生者鄙薛大呂不值一錢久絕迹不至生是日盛服攜籠至薛家大呂已赴成都何氏令春雲出面相見無言各自微微一歎然皆避面不令相知女尙佯笑曰聞弟新愈宜調護不日北行矣生報言父母以長途悠遠不聽行故無計偕之想而鳥已發聲呼薛小姐女大喜與之問答酒罷將行女猶與鳥款語生曰姊氏旣愛此鳥請以奉贈鳥非吾有

魚復城上得諸遊方一。道人。也因問鳥曰。汝既在薛小姊家。吾意以汝贈與薛小姊。汝願之乎。鳥對之曰。阿師言。吾終身不離耶君。並小姊。左右何爲不願。生及女咸大驚。以爲決無其事。生遂匆匆別歸。鳥處薛家經月。馴而無機。有時女放之出籠。飲啄如恆。飽後復歸籠而宿。一日忽飛起。栖於畫軸之上。女招之不下。則登几取之。履屐而几。翻女立。躡兩股相料。莫開矣。家衆大驚。明日薛大呂歸。見狀呼醫。顧無幾微之効。便溺之事。動必需人。而李翁聞之大悔。卽以人語薛曰。吾家止一子。娶婦本以延嗣續。今女公子患如此。何以能人。吾非悔婚。請君自度。亦不應以廢物予我。今還君庚帖。願自爲計。此女永永非李家婦矣。何聞之大悲。薛則深咎吉了之爲害。將取而殺之。然吉了已飛去矣。時生方讀書於山寺。母以人馳告女事。生大驚。不抵家。先至省女。何氏大悲。生慰止至再。女相對淚泚。生抑抑歸告母曰。李氏離婚。薛家上下似已周知。不知者春姊耳。母胡不乘李氏絕婚之後。繼而求婚。蓋可允也。母驚曰。吾家但有汝身。得此殘廢之人。何爲者。生曰。不有吉了。春姊豈瀕危禍。春姊之患。吾實肇之。願始慕其賢。而願婚。彼家終惡其病。而遂灰吾望。則不義亦猶李氏耳。母曰。彼惡殘廢而悔婚。李氏亦不必有罪。唯

吾家素有清名。汝又早掇巍科。必娶不能人道之婦人。則嗣續何望。汝亦何樂。生曰。人之所貴。貴相知心。姊意似久屬我。乃爲豪奪。今在難中。吾不之娶。將張眼見我。心中人填於溝壑。耶。薛翁之愛女。非真愛也。不過論婚富室。亦不擇婿之賢愚。惟財是務。其用心殊不可問。吾家世忠厚。安知論娶後不能過愈。此不惟慰兒平日願望之私。亦以吐春雲不平之氣。願母允兒兒意。決矣。母啞然而笑。願愛子心擊。亦無可如何。但曰。待若父歸來。請彼不理家事之詩翁定之。明日。璈生歸。聞言大笑曰。允之春雲。必愈吉了。亦必歸。妻大愕曰。汝醉耶。璈生曰。魚復城下。遇道流。彼對鳥言。稱主母而鳥歸。春雲。卽其主也。所謂不愜者。因取鳥而躓耳。旣云好姻緣。則女疾必愈。嗟夫。大呂。汝留此絕世尤物。以待儉夫。偏有世外仙人。奪而予我。今汝絕婚。非我謀。爾明日卽以媒介行。媒至。大呂驚訝。以爲戲。卽曰。前此親串之間。吾之待璈兒。亦不爲薄。拒婚之事。士各有志。安能強同。今吾女不幸。見斥於李家。此爲璈生濫兒所宜慰弔者。奈何尙以此爲戲。縱使念仇亦宜哀憫。胡忍出此辣手。媒亦善言。力爭曰。非也。公子所以重女。公子者德也。非色也。李氏無福不能任受。或冥冥之中。故爲此狡獪。留待高賢。安知成禮之後。不能自愈。

此事非翁干。彼是吾家公子。自願之。翁何歎焉。大呂疑信參半。入語其妻。妻曰。信也。媒氏未來。吾姪已先有書求我矣。但允非欺。大呂曰。李氏尙有後言乎。妻曰。執其手書。卽爲離婚之券。大呂無言。遂允媒氏。諷吉成禮。女以數人扶掖。甫能登輿。旣至。何之族。鄙戚。嗤鄙。玆生父子以爲愚妄。其有識者。則嘖嘖稱歎。其義合香之夕。畫簾甫開。而吉了已翻飛而入。女大怒。不意起撲。兩股頓開。一如常人。闔室大譁。以爲異。吉了曰。衆奚譁。吾師命我來醫主母疾也。衆爭問爾師何人。曰。太白也。玆生曰。太白者。長庚也。白玉蟾名長庚。道士卽其人乎。問之吉了。吉了不答。

柯紅豆

秀水徐生周量。名下士也。年二十有一。苛於擇配。自云。苟不得通膽媚淑之名姝。寧終身鏢也。然亦不喜狹斜之遊。長日遨游山水間。每乘月明。以小艇周涉西湖。入金沙港。在叢葦中垂釣對月。犯曉始歸。人恒謂其有鬼氣。生聞而笑曰。與其合俗人酬對。其稱意交轉不如才鬼爲佳。一日獨遊西溪。過留下。見道旁有小碣。署曰。柯氏愛女紅豆之墓。生沉吟。謂閨秀不應以紅豆名。此名蓋以妓也。墓中人應作何狀。循名而追貌。必非

常女。乃四周其墓。似新瘞未久者。不期心動。快快行。可數十武。天已垂暮。乃小憩林際。坐待月明。時過三月。綠陰已成。雜樹蒙密。陰沈如履深洞。適觸臥石。冀得小坐。坐時忽捫得溫輦之物。握之。女鳥也。則大驚。林間安得有此。暗中捫弄。左右綴小珠十數。長短在三寸以外。卽曰。此豈紅豆所遺耶。遽聞其後有顛聲。答曰。薄命人。藥物奈何。竟落君手。生知其爲鬼。卽亦弗懼。亦答曰。適謁瑩台。固疑長眠其下者。決爲天人。不期相遇於此。臥石尙寬綽。可以同坐。女曰。陰人不願觸生氣。相間在十步以外。聲吻可接。生曰。恨林深。不得月光容華。乃不爲俗客。瞻矚。女曰。君不憶黃仲則詞耶。鬼燈一線。露出桃花面。雖極淒艷。轉使聳人毛髮。今不覲面而談。謂之與生人語。亦無不可。生曰。女士生時。家世恨不之知。女淒然曰。先君守南昌。以擅發倉穀。罷官歿。母孀。二兄咸入國子讀書。家遺姊妹。而薄命人以瘵卒。妹繇。十九矣。泉下心憂。其不得良耦。負此清才。知君擇配。苛顧以妹之才貌。足以侍奉君子巾櫛。生喜曰。然則阿姨固陰爲我媒耳。女曰。人言身殞。卽與親屬渺無情愫。兒殊不然。生時與妹食息相依。凡妹所能。多半出兒口。授詩句一字弗叶。推敲恆至夜分。母氏每以爲言。兒與妹終不能改。君試過吳山之下。有梨

花數本。粉白出牆者。兒家也。試以媒通之。兒亦示夢於母。婚必可成。此履既已落君懷。袖異日愛妹歸來。留作紀念。兒或與秀才有緣。來生或踐今宵約也。已聞林外有數人。偶語而過。女卽寂然無聲。生亦悵然而起。趁月惘惘復至墓下。揖而祝曰。阿姨恩意深。篆中心。歸時卽祠阿姨木主。俾賢妹來嬪後。知僕與柯氏固有宿緣也。明日果值得吳山之下。有梨花出牆者。則故南昌郡守柯公宅也。而柯公同年呂西亭先生爲生業師。卽以師爲介。通於柯氏。夫人夜來亦得異夢。適與呂師所紹者契合。則大喜。允婚。綠漪年十九。長眉秀髮。風貌如仙。能爲趙承旨楷書。兼習子固水仙詩筆。清婉然。自紅豆亡後。晝夜悲梗。貌漸清瘦。夫人防蹈其姊沈療之疾。旦夕思遣。旣定婚。卽匆匆爲治奩具。生家固有田產。在萬金以上。母亡。熒熒與乳母居。乳母亦六十矣。得綠漪則大喜。閨房備極倡隨之樂。一日生他出。女無意步及淨室。忽聞旃檀之香。入視。則奩中供一木主。上題來生聘約紅姨栖神之主。綠漪不解。其旁陳小金合。啓之。則紅豆棺中履也。失聲而號。乳母奔入。綠漪結舌不能語。問此履胡來。乳母髣髴述生言。然多脫節。綠漪捧履大哭。已而生歸。綠漪怒曰。爾奈何盜亡姊殯宮物。生不得已述遇鬼事。綠漪曰。旣聘我。

矣。何復與姊訂約來生。生曰：姊所命也。願君二人骨肉之愛，吾恨不兼得英皇耳。姊既無歸，吾若尊爲鬼嫡，又患無以處君。若聽其弗祀，則不惟負恩，而且背理。今生妻恃汝鬼妻，推姨挾鬼，得有歸來，歎吾饜不寧可耶？姨言俟爾殯時，以履留爲紀念。聞亦託夢於母，問母卽了了。想君於友情切，或不以吾言爲妄也。綠漪且聽且駭，已而曰：姊終多情，惟來生果踐其言，吾亦當爲姊捧悅也。

踐卓翁曰：此真爲小說之言矣。天下安有是事？若紅豆者可云情中之俠，尤鬼中之俠。月黑林青，男女相語，卽使秉禮者亦難，必其不亂，况乃鬼耶？顧人言之而踐，卓翁記之信而不疑，以確有其事者，又將誰欺？第酒後茶餘，無可排解，果以翁之言述之於酒座，必有聽者之人，亦不必卽斥翁言爲妄也。

趙倚樓

侯官游然，字子雨，翩翩佳公子也。少年領鄉薦，累上南宮不售，因投筆從戎。辛亥之役，贊助共和，以勳勞得嘉禾章，願爲年四十矣。生平急人之急，以亢俠好友名於時。與之游者，恆欽其崇尚風義也。游以軍事渡江，居武昌累月，抑抑無歡意。日至漢上爲紅裙

之醉而趙倚樓者年十六含顰宜笑以色藝標名于花譜游一見悅之趙未破瓜游雖匪日不至然未及狎乃不知趙已屬心於游矣春盡遊倦且歸京師趙涕泣請從游曰爾不有老母耶女曰老母固待兒以生然君能月贍八十元則老母得溫飽矣兒資責千金而已以君亢爽必能了兒逋負花國浮囂非兒託身之地君不於此時援我恐墜溷之期卽在眉睫語已襟袖淋漓嗚咽不復成聲游亦愴然久之曰倚樓戀我我寧弗知然吾年四十矣而倚樓具此麗質乃芳齡未抵吾半吾不自量倉卒納爾後房一時尋歡彼此都不寂寞天假吾年六十以終於我初不爲死願倚樓則年三十六耳半老徐娘無論不育卽使呱呱在抱或齊膝而作嬌啼試問教養二事汝何所資脫吾不及六十而死者汝又奈何倚樓曰壽夭誰料安知吾不先死於君前或君行而我殉葬骨九原仍依腋下亦足爲樂游笑曰愚哉倚樓天下鍾情人往往不先爲所歡地但圖目前弗計貽累於後日倚樓謂我以鐵石爲肝腸決不汝聽耶我有隱衷汝惡知之先君見背我甫成人庶母之年不過四十幸遺一弟甫能讀書母能爲我持家弟亦悉心嚮學余旣喪妻一子一女均庶母爲管領其衣食余長年客遊寧家不逾數日汝若從我

茫茫後。顧吾之庶母。卽汝前車。且汝能必其定有子也。矧余季父亦新有所眷。挈東之西。日患醋海生波。吾方惜其多累。今奈何能規尊長而反不能自檢其身。語次倚樓已泣。不可仰游。曰無傷也。方今世界名曰競爭。無論男女能以藝自贍。匪有不生以爾妙年。漢上女校林立。汝能脫籍入學。學成擇人而事。又寧苦晚何必思膚寸之光陰。貽終身之巨累。女曰固有是心。然債家在門。恐不吾許。游大笑曰千金之債了之易耳。明日吾卽以帖帖至矣。遂匆匆小飲而別。明日倚樓甫起。臨鏡而伴已在門。將一巨函入啓之。則匯豐銀鈔一千。附祝英台近一詞。曰鏡烟消。飛絮亂。身試別離。慣曉枕啼鶯。催汝起。晨盥。怎知人倦。揚州春風如剪。把縷縷情絲。中斷漫低喚。多恐門外。響聲緩。隨水聲遠。聊歇相思。聊強一分飯。願君禁得羅衾。休將心緒付月夜。杜鵑千萬。其後復署一箋云。倚樓粧次。余不日隨節北歸。千金非多。然足了君逋負矣。女校可入則入。否則以謀歸爲上着。風塵中固無佳士。然吾亦爲爾物色。其可嫁者。身栖燕北。心在漢南。亂事未已。伏戎尙多。或且尙可南來。與汝相見。小詞一首。余着筆時。腸已斷矣。後此讀者。不知于稼軒何如。然在余自覺。是含酸淚而出。趨娘珍重。余行矣。

踐卓翁曰。游生。余故人也。其重余也甚。擊其人。果。方。爽。無。毫。髮。之。僞。處。置。倚。樓。可。云。忠。厚。君。子。之。所。爲。天。下。深。於。情。者。但。爲。一。已。行。樂。謀。耶。抑。愛。其。人。卽。當。爲。謀。其。終。身。美。人。者。玉。也。玉。之。宜。貴。宜。登。之。金。堂。之。上。朝。夕。供。人。賞。玩。爲。貴。此。玉。耶。或。抱。以。殉。葬。俾。玉。光。爲。尸。氣。所。蝕。黯。然。作。壞。色。者。貴。耶。夫。以。垂。老。之。年。強。取。美。人。爲。伴。必。令。其。摧。挫。無。歡。坐。待。嬌。獨。以。此。爲。情。則。但。謂。之。圖。淫。而。已。去。情。不。啻。萬。里。翁。一。生。不。履。妓。寮。正。以。觸。目。皆。可。憐。之。人。又。多。蠢。蠢。不。審。爲。終。身。託。人。者。故。絕。迹。弗。往。此。亦。君。子。遠。庖。廚。意。也。游。生。先。得。我。心。矣。

秋悟生

秋悟生者。自云爲江寧人。遷閩七世矣。踐卓翁識其人。因諱其名。以生終身不爲狹斜遊。而偏有所遇。故不欲傳之藝林。但如其號曰秋悟生。生居釣台之下。平日尙氣而任俠。好雅謔。拘謹者惡。其無檢而浮薄者又不能醉。以紅裙轉目之。以理學然秋悟生善言情。曾爲二傳奇。一曰霜劫。一曰落花風。皆幽咽淒黯。情淚如河。江南有鬪秀。至以蠅頭細書評騰都。滿生聞之喟然曰。不料天涯知己在有弟子。紅粧遙拜。蓋用臨川夢中。

語也。生此時年已四十餘。方悼亡家居。不時出一日閒行江上。江干多遊船。林陰之下。有碩腹賈數輩。擁一麗人。飲於舟中。一人指岸上曰。是爲秋悟生過也。麗人類類注目。生異之。私計一生未蒞勾欄。指我者。或爲相識。顧身非少年。此麗人注目何爲者。一笑置之。越數月。燕客於江樓。有于君者。生之契友也。客凡七人。並生而八。于君令設九座。生愕然問何客見。于君微笑。酒半。聞有金鈴聲。似香鉤中所綴者。生方面江而坐。而鈴聲已近。座客皆起。生斗迴顧。則舟中所見麗人也。麗人以手拊生背曰。先生胡不見枉。吾家在江南橋次。與先生之廬相距不二里。不與可至。奈何斬此空谷之音。生大愕。曰。素昧生平。女士何由見知。女笑視于君曰。非此君語。幾交臂而失。生曰。今日草具。未敢奉邀。且酒闌。殺盡。非所以禮玉人。請更滄者以待。女曰。兒爲謝氏。名蝶。號蘆仙。棲居多詞客投贈之作。獨未有先生珠玉。自曠爲猥鄙。今日之來。欲乞得題品。並請先生之年。生大笑曰。吾二十年前。二十三也。女曰。然則逾四十矣。生曰。老矣。女曰。聞中侍巾櫛者幾人。生歎曰。荆人下世矣。女曰。然則先生傳奇中所謂霜劫者。或有所託而言。生驚曰。女士見吾書乎。女曰。先生楮墨。傳播人間。兒雖猥賤。然每接名流。恆稱道先生。昨於

江上復見先生獨行林陰之下。容色沮喪。似有所思。適聞瑤台已傾。或且傷神如奉倩。爾生笑曰。黠哉。女瀕行。堅囑臨貺。生僞諾之。合座以爲生意動。已而卒不往。女以人至。再通辭。生木然如無所覺。生有婢嫁一匠人。一日爲女修葺牕戶。女與閒語。知爲生之婢。婿因以餅金八圓賄之曰。爾爲我將一物事於無人處。上先生。道爲薄命人所餉。汝能爲我雁兒耶。匠曰。可。女出一物。厚楮重裹。其上自書曰。蘧仙手自封題。上秋悟先生。匠既得金。至生家。引袖請問。生不知所爲。匠遂上裹物。啓之。則乾柿四餅。第二餅作半月形。似人齒餘之物。生大驚。問物所自。匠言謝娘所餉。臨別囑小人殷勤於先生。謂能使謝氏之衾。一夕與先生同煖者。小人當更得厚貺。生笑曰。爾得謝娘金矣。匠遂巡曰。然。生曰。爾爲我白謝娘。我能宛曲道美人情。懔寧於蘧仙。決然如路人。顧我亡室。喪未期。年中夜。愴懷淚被枕。函都滿。大兒已娶。尙有一兒一女。晝夕不去吾側。吾安忍舍此。無母之兒。寄宿蘧仙粧樓。忘我以父代母之責。我別無他望。望蘧仙早得所。天隨一良人。而去庶不辜負吾心。乾柿四枚。其中半月。殆謝娘示我以餘桃之愛。吾受之。而仍決蘧仙是不情也不受。而不加以善詞。又爲不恕。爾將此封裏歸致謝娘。爲余道萬死足。

矣。匠歸述所言。女益欲一見。一日生自外歸。子婦將鱒魚進。生怪其不恭。問之侍者。咸無言。生有叔母方夫人。老而恭儉。生事之如母。因問以魚所自來。母笑曰。似聞橋北名妓謝氏所饋。生曰。母亦聞兒曾作狹斜遊乎。母曰。無之。吾蓄疑亦久。生因一一白。與蘆仙相見之狀。母曰。是矣。彼必以爾有婦。服房中無人。欲媵汝耳。然汝意如何者。生曰。風塵中人。安可使主中饋。孤兒失母。宜更得淑善者爲筦其衣食。謝氏之愛我者。詞筆耳。且寒人之家。何取姝麗。昵新而豔其美。曲意承迎。適足生其驕縱。妾母驕而孤兒餒矣。兒仗不律爲生。安能營此金屋。矧亡媳生前純樸。臨歿猶囑亡母之衣。期年之服。未除新歡之床。卽煖不惟無以對亡婦。亦適以滋後此無窮之累。不如及其情絲甫抽。卽以慧劍斬之爲得也。母大悅曰。吾兒如是。吾孫不着蘆花矣。自是音聞遂梗。逾三歲。秋。悟生買妾。遂客浙西。謝娘亦怏怏適人。更三年死。于君馳書告生。述謝娘死狀。生失聲而哭。因爲詩以弔之曰。水榭當時別。謝娘夢中髣髴想。啼魂來若過西江道。好認路川玉茗堂。蓋用俞二姑事也。

踐車翁曰。余每遇秋。悟生語及謝娘事。生輒亂以他語。察其意甚恨。似自咎其負心者。

雖然謝娘。雖不嫁。生生之心。無日不在謝家。正恐家庭之間。有所梗格。轉無以慰謝娘。與其生勃豁於後來。不如不爲孟浪之舉。動是生之身。不近謝娘。而生心固已娶之矣。翁每與生同榻。夜半酒醒。翁輒誦小山詞曰。夢魂慣得無拘檢。又踏楊花。遇謝橋。矣。生往往太息泣下。

伍氏

伍氏六安人。夫曰謝四。教堂挑水夫也。伍氏父辨。以拳勇名於時。無子。盡以技授其女。能駢三指。按屋簷。而虛行。又能自平地超升屋頂。捷如猿猴。貌不逾中人。瑩白如玉。色隣右多涎之。而不能得。謝爲辨之甥。辨中歲而病。且死。謝罄所有爲理其喪。女感之。次骨喪畢。女自託鄰。願許身於謝。酬其葬父之德。謝自審貧薄。不敢諾。女曰。天下無無父之國。父死。吾不能理其喪。四兄爲我任之。吾巾幗中人。將何報。唯報之以身。身者。父所遺也。以身酬恩於義。何靳。願兄勿却。吾決歸謝氏。謝亦有力能擔荷。女則精針綫。爲人治女烏。絕佳。夫婦以之度日。相處良歡。居鄰教堂。教士奚君。一日出門。見女與鄰婦數人。以香蠟將往酬神。奚教士止之曰。女士奚爲不禮天主。而敬魔鬼。女曰。孰爲魔鬼。

奚曰。猙獰作異狀者是也。女曰。虬髯深目。非猙獰者邪。奚曰。此西人生質耳。若中國者。三眼赤髮而生者。奈何爲神而忽有此。女曰。西國天使。不有兩翼邪。生人亦焉得有翼。奚語塞。歎曰。汝終聰明。女亦頗不以中國之妖神爲然。乃中道折歸。不往。而謝則每日爲教堂供水。奚以伍氏有知識。能言語。力勸之入教。謝不學。亦勉從之。自是每逢禮拜日。恆入堂聽講。甲寅正月。白狼竄六安。王營長軍敗。白狼入城。進撲教堂。謝小屋在教堂之次。柴扉黝黑。賊不屬意。入夜。賊集衆數十。直叩教堂。司鐸者爲奚。韓。達。吉。四神甫。力支其扉不聽入。然盜已破扉大索。已而取吉。韓。達。三神甫出。令面白大人。白大人者。白狼也。中夜聲寂。謝夫妻始寢。明日賊復至。徑趨謝屋。謝伏瓦溝之上。女出應門。賊悅。其瑩。白欲犯之。女曰。壯士。試進。閉此門。勿聽餘人。闌入。賊可其情。遺刀地上。俯而掇石抵門。女自後。拾刀。由賊穀道直貫其腹。賊死於門次。檢其身。得手槍二。子彈數十。女喜曰。吾足以自衛矣。遂自後戶。超升屋頂。夫婦分授二鎗。伏而偵賊。抵暮。賊至。呼死者之名。蓋彼隊之酋長也。見門扃。撬而入之。得尸大駭。乃窮索。一人欲登屋。女發彈中其顛。賊曰。屋上有人。一賊繼登。女復殪之。彈無虛發。連盡五賊。賊怒呼縱火。然謝屋近教

堂之牕可數尺。女曰：事急矣！力挾其夫，同趨教堂。窗上窗適開，遂入至園中，同止茂樹之上。火乃大熾，賊以爲謝夫婦死矣，乃不知其逸也。此時六安城中烟燄燭天，唯教堂巋然，幸不之毀。而賊謂已窮索，不再入。謝夫婦潛下，雞棲尙餘五雞，賊未盡取。夫婦盡殺而賚之。儲爲數日之糧。時吉教士亦歸，賊亦再至，掠其餘物以去。幸未縱火。於是城中擾攘久之，已聞官軍至。賊遂遁。謝夫婦始自後戶出，賊不之得。教士亦不之知也。時城中均付一燼，瓦礫彌望。謝夫婦遂出城，往依其戚於村間。此一陳姓告余者。余審六安之變，奚神甫遇難，其事甚確。至伍氏能殲賊六人之多，不惟技精，亦神定也。

踐卓翁曰：白狼流寇，決無成事者也。然當此時會，四海困窮，而益以盜剽，民胡能堪。闖獻之亂，初亦不據城邑，但殘殺擄掠爲快。其來如潮，百室皆漂流，隨之而去。蹂躪至於燕京，而明社遂屋，滔滔不滅，遂成江河，不能謂疥癬之患。聽之留於肢體也。吾聞白狼之待吉神甫，頗知加禮。縱之歸堂，然而奚神甫已橫尸井上矣。賊之僞爲文明，特一知半解。知主教之不可犯，妨招外兵，實則其黨徒蠢蠢如瘦狗，又烏知戕教之得禍。此事外人不能責賊，而或責吾政府之不急辦賊，亦交涉之大可慮者。所願當事之加意耳。

吳卓士

余友陳石遺之婿。吳鐵庵。一日造余。余固識其祖維新先生也。鐵庵言其祖有老友吳翁。忘其名。汀州人。年七十餘。經年中必數至。至則必主其家。翁喜幻術。令人以百繩結纒。纒其首。左右二人力引之一引而纒之。兩端皆斷。如斬獨纒首之繩。存自脫而下。仍作形圓也。又令以繩穿其袴。自左足之袴洞入。出右足之袴洞。合其繩端力引之。繩出而袴不落。亦不破。若不着袴焉者。衆大異之。問其所以能此。翁太息曰。言之長矣。亡弟早卒。遺一子名卓士。年十九。僕爲之娶婦。婦乃奇醜。且麻臉。幸伉麗尙協。惟卓士性不嗜書。長日游行塵肆中。與惡少爭鬪。或竟日不歸。累戒弗悛。延師教之。又不竟讀。師薄暮歸。僕防其逸。則扃齋舍。不聽出。卓士一人舞蹈於室中。於是者經月。一日方窮閉齋舍。忽聞門外有足音。初疑師歸。既而聆之。乃非。是厥聲漸近。微叩其扉。自內外張。則一藍衣道人也。計已洞。黑道人胡自入。因自內問曰。煉師訪吾師乎。曰。否。特爲爾來。卓士曰。以不肖故。爲世父閉置。是問師何由見知。卽來訪。而門已外鑰。師何自入。道人曰。但爾允吾入者。門當自關。卓士曰。願之。聲竟。而道士已在屋中。據先生之座。言曰。爾非

凡骨。衲來將授爾以術。然爾當向若父自矢。不更游蕩。謝去館師。道人始留此授爾以道術。於是與之同宿。教以導引之書。又出秘法二卷。其中皆幻術。能洞牆壁而過。於是卓士啓僕。願謝去塾。師不再遊蕩矣。僕如言。而卓士一舉一動。迥異平日。日惟閉戶。誦聲琅琅。三餐皆自外傳入。卓士足不履闕外也。道士居僕家二年。有半人皆無見。而卓士則盡通其術。歲時家燕能翹一足。踐酒杯上而行。酒不傾。杯亦不破。又能騰身簷際。以食指上按椽瓦。凌虛而步。落地輕如墜蠅。臥而與隔壁人語。一經答言。而卓士已與並枕而臥。按之立渺。其聲復在隔壁矣。家人雖驚其異。防惡作劇。不敢問所由來。一夕道人語卓士曰。爾道術盡通。衲可以行矣。唯此藍布道袍。三年不澣。已着塵穢。請夫人爲我濯之。衲明日別汝而去。卓士哭。道人笑曰。行卽相見。胡戚戚爲。卓士如言。以衲衣付其妻澣之。遲明已乾。卓士將衣出。還道士。道士微笑着其衣。其行如風。甫出門外。而醜妻已從室中猝起。從道士行。卓士大驚。逐之。道士及此醜婦去。卓士不逾一尺之地。終不能及。視左右人家。林木。管過如電。以窮日之力。不知所過。道里之數。已而至一高山。道士及醜婦立於山半。醜婦木強如癡。道士斥卓士曰。汝止。卓士力趨而上。乃累躓。

道人曰。汝緣法尙遲三年。逾三年後。衲自以人引汝至此。此天台也。計汀州至浙東。近千餘里。乃以一日之力。而至。不知是何術也。道人自山上吹氣曰。汝取此氣。俄頃抵家矣。卓士果懵然歸。亦不知其何以能歸也。歸時。述所見。家人更爲媒娶。卓士不可。逾三年。爲秋節。明月正中。卓士合家。人而飲。大醉歸。臥明日。視之。門扃如故。卓士已渺。案上留書與僕。爲別。凡僕之戲術。皆卓士未行時。所授也。鐵庵尤言少時。曾見吳翁。自其大父維新先生逝後。吳翁亦繼逝。惜當日不向吳翁傳其術也。

踐卓翁曰。吳生誠慤。且以長者禮余。決非爲妄語者。想卓士具有善根。不然。以肉身能洞牆壁。而過夜入人家。爲淫盜之事。奚不可者。乃卓士不爾。則其人。已蓄仙心。宜其從此道人證仙果也。雖然。道人必引此醜婦而去。又胡爲者。若云男女之愛。道人已具此幻術。立時可致。嬌施而必眷眷。一醜婦謂之好色。又似非矣。人世果有離奇之事。讀者存疑可也。

謝翠翠

謝翠翠者。閩中巨商謝大洪女也。洪以海舶起家。擁資巨萬。獨有此女。姬妾六人。累索

均莫得。因重視其女。延碩儒王子馥。孝廉授之毛詩。左氏傳。及公穀。亦間爲小詩。及詞。咸有性靈。偶出一語。師輒不能窺。易風貌。雅素肌理。瑩潔高髻。盤雲修眉。如初弦之月。望者若展圖畫。謝妻柳氏。兄子曰柳思耆。少年有雋才。人極溫裕。有禮衷。顧家中不賞。謝恆傾助之。柳母早孀而多病。生年二十尙未論婚。然生意必得如翠翠者。儷之。顧謝儻荒。欲嫁女高門。以生之貧。心弗屬也。生每至謝家。女恆不避。有時以近作就政。生則圓贊濃摯。幾于五體投地。女恆弗信。必欲得其改削。生稍爲點定。往往出女意外。於是屬心於生。意亦非生不足爲己偶也。兩少無猜。漸漸長成。已爲謝所覺。則嚴切語其妻。詔女勿與生交談。女媿憤。頗歛避。謝尙不憚。走告柳母。令生勿至其家。柳母素賢。謂生曰。姑丈既已蓄嫌。爾勿冒進。以取戾。且男子患無學。耳寧患無妻。生大慚。告母曰。兒非敢爲不義之行。妹氏以文藝相質。兒不敢不實其疑。至于求繫援於高門。兒固不存此念。母哂曰。語固正直。然總以遠嫌爲上。生無言。於是閉戶讀書。益力。是年秋試。得魁選。求婚者爛其盈門。生意終弗屬。母亦知之。不能奪也。謝妻頗以語風大洪。俾嬪女於生。大洪僞爲弗省。終惡生貧。事遂中輟。是秋九月。大颶起於海上。謝所蓄七舟。皆覆於巨。

浸中。船人妻子集哭其門。謝不能無所施恤。又家產粹傾。百無籌措。而生計亦因而蕭瑟。生時時臨存其家。謝仍漠然不爲動。一日家人團聚。相對長愁。時罄家以外。尙復舉責。意其女與高門聯姻。得其傾助。復整航業。同時有楊猷者。大腹賈也。以二萬金假謝。謝大喜。因之收合餘儘。再張敗餘之幟。願佳運已遠。日見剝喪。二萬金看看盡矣。謝大窘迫。無以自聊。實則楊猷欲爲其子謀娶。故預以多金假謝。謝既亡金。楊遂以媒介至而脅之。謂能以女公子嫁其子者。金可勿問。謝不得已欲諾之。女聞言大啼。母愛其女。則極力與大洪抗。謂寧死不能擲愛女於楊氏。以楊子齷而蠢。徒擁多金。直蠕蠕一物耳。時生自春闈報罷歸。甚無聊。舟經滬上。有人以墨西哥采票求售。每十元得第一采者。取金十萬。生大笑。謂落漠至此。一第且不能得。何有於十萬之金。友陳姓強之曰。天下事得者多。從無意此十萬金。安知其不屬汝者。爾囊橐非豐。區區十金。亦非多也。則強解其囊。出十鎊。市得一票。付之。生重違朋友之意。則納券於書篋之中。既歸。問謝復折二萬金。債主在門。索翠翠。則大悲。恨願引嫌。又不敢至。謝家時時對母愁。歎母曰。汝爲翠兒惡乎。然老身善相人。翠前二年。面有晦文。吾固知其交此境地矣。乃前數日。汝

未歸翠會。一來晦文退矣。且吾觀汝面印堂中有黃氣在理宜中第何由弗中。詎別有喜慶之事。至耶。生笑曰。孫山以外人安有妄想。是夕母子小飲。生微醺就枕。忽夢一青衣人持帛書上作一方字。次一重字。又次一胛字。猝醒莫解。因以告母。母曰。方字拆爲一萬。重之首爲千。胛之旁則八十也。其數爲一萬一千八十。厥數不爲不鉅。然究何指。生大悟曰。然則兒得巨金矣。母驚曰。汝豈得窟中之藏。萬金非細數也。生急檢篋中出墨西哥采票。其號爲一萬一千零八十。適與夢符。母曰。果如是者。爾不惟多金而且得佳人爲偶。翠翠爲僮奴。所誓不之應。爾果割二萬金上姑丈者。翠翠蓋可得也。生曰。夢幻之事不足爲據。此語一宣。徒增笑柄。無爲也。逾十日。電音至。得首采者果爲一萬一千零八十號。母子方私慶得十萬金。而謝早已聞之。卽奔集其家致賀。謂昔日我富而爾貧。今乃相反。令人媿羨無已。生曰。不有姑丈平日之嘉惠。亦無有今日。母氏言。丈負責二萬金。莫償者。請以此數付債家。爲丈清其重逋。謝不期。噉然而哭。自憾平日知生晚則堅執其手。泣數行下。生立時出采票授謝曰。請丈爲我取金。割其二數外。其餘亦請丈爲我經紀。我書生不解理財也。謝歸語其妻曰。爾大有巨眼。能識英雄。我弗如。

也。亟稱生賢。且言必以翠翠與之。女聞言走匿無跡。於是取金還責。卽部署粧奩。嫁女。謝既受此八萬金。再整航業。獲利數倍。遂營新宅。與婿同居。謝終不育。竟以翠翠第三子爲後。自是生居然富翁矣。

踐卓翁曰。勢利之見士大夫。且爾。況在儉父。生豈不知婚姻之必不可成。顧情之所鍾。似有十重步障。力翳其前。利害都不之計矣。此局之倖成。不在天罰。儉荒敗其所業。亦不屬楊氏假金。因而刼脅其岌岌。居於易敗之勢者。則在柳生高中。諸家求婚之時。此若持之不堅。一負氣而輕許。則情絲亦因而立斷。唯柳生有貞固不搖之氣。故終獲玉人。甚哉。人生不能不貴定力也。

穆東山

穆東山。閩之永福人。遷居會城之釣台。父家衡。善人也。一生以好善之故。盡毀其家。年三十六。始生東山。因乏嗣。禱於東山之岳廟。故字之東山。名之曰岳。東山生時。家衡已奇寤。顧中年猝得一子。愛之甚至。家產既罄。尙有玩好諸物。尙值千金。積書十餘櫥。則爲友人質而易米者。實則價浮於書。而家衡憫讀書人之窮。卽亦弗計。既誕東山。卽喜。

曰。吾無長物。留此以遺吾子。亦大佳事。東山漸長。讀書過目不忘。年十二。已能操筆爲文。作登高記一篇。簡古驚其長。老家衡有友黃君。則莘田先生後也。以秋江集及香草箋遺家衡。家衡未檢。並授東山。東山讀香草之箋。慨然曰。此冬郎所未嘗言者。皆言之。讀之適以增人妄念。先生一生清節。此書適汙其名。不如燼之。遂投諸火。家衡大驚。問之。東山曰。大人所賜書。兒寧敢付諸頑燄。顧詩佳而語褻。適足誨淫兒。年穉。寧敢謗先輩。願以先生之德望。乃用此。自累心實傷之。因滅其迹。適所以重先生也。家衡歎曰。爾能如此。吾無家族之憂。於是愛之逾篤。東山十八歲。家衡以疾瘁。東山大痛。五夜不睡。稽顙求天。請以身代。無驗。家貧。喪儀不具。哀痛感及鄰比。母陳夫人甚賢。見東山哭。則自止其悲。防增東山之悲也。東山以制不能赴試。家益貧。則立蒙塾於里中。日夜治古文辭。家所藏書。十二巨櫥。丹鉛皆徧。然不工於時文。試輒弗售。有留翁者。博雅君子也。一日在友人家。讀東山所作讀南華及霍童山記。感知己賦。大奇之。問年。則二十有一耳。歸謀其妻。卽以室女妻之。女有殊色。孝而能貧。東山已除服。成禮。夫婦蔬食。敬事其母。一家怡然。若不知其處貧也。已而母夫人病。夫婦積月弗睡。觀者駭然。驚其失形。乃

不知其夫婦均劓臂入藥矣。母夫人亦卒。是時留孕已八月矣。遂舉一子。貧益盛。學乃益勵。釋服入郡庠。是秋連捷。鄉之大紳。震其名。遂延以課子。紳弟某甲。翩翩美少年也。家資既富。日浪遊於台江水榭中。恆日挾十餘妓。縱酒。見東山純謹。思欲試之以爲笑樂。一日忽謂東山曰。吾有詩客數人。將遊石鼓。欲邀君同行。或見許也。東山可其請。遂相將出城。既至水榭。飛柬徧召諸妓。是日至者二十三人。鬪眉競服。爭妍取憐。東山對之愕然。羣妓皆笑。中有一妓。年可二十。娟妙雅素。頗知書。尙品。概欲得人而事。時東山名已大振。筆墨流布。此妓亦時時索讀。妓姓謝。字衡碧。又字整整。本良家子。爲季父賣入勾欄。終年緘怨。未嘗語人。既而聞東山文章學行。且以孝友重於其鄉。於是望風傾靡。特坐近東山。且爲山東斟酒。東山覩覩。至不敢問。某甲與諸同遊。咸大笑其書癡。席罷。整整微引東山。至於槐陰之下。私問曰。先生識整整否。東山愕然曰。未也。女曰。楊花浮蕩。輕若微塵。宜君子之不見知也。兒亦良家子。頗識人情。客至往往談及先生文章學行。令人傾慕無已。所恨藩溷之居。不能慕迓鸞鶴。先生果見憐者。或能惠顧。則兒之身世得一隙清光。不致淪於深黑之地矣。東山嘆曰。鄙人所以不欲爲狹斜遊者。正以

君輩爲可憐人耳。試觀花事。儂時蜂蝶無數。日暄風細。院靜闌低。其間似無限濃春。永長駐者。不知盛極卽衰。風雨一來。落英被地。蝶淒蜂慘。蕭索可悲。試味其中景狀。能自堪否。勿論鄙人囊橐蕭然。不復爲此妄想。卽使風流瀟洒如吾居停之某公子。亦萬萬不敢涉足此間。天下安得有情者。盡成眷屬。若明明非愛。故作纏綿。則於我爲不情。若義不相舍。而力非所勝。徒爲無益之悲。究無團圓之日。亦何爲者。妄相期許。事無可圖。卽洒却無數傷心之淚。究何益於美人。過蒙獎拔。鄙人豈不知感惜。卽遇非其人。今日相逢。爲第一次。可卽指爲末次。亦可。顧卿自愛。慎其所擇。長於肆應者。人決非誠。浪子中萬無貞士也。語時。整整已淚被其頰。生亦太息。然不之顧也。是年春闈報罷。而生徒大集。且諛墓之金。亦日富。生蕭然以著書自娛。忽一日有客造門。年可四十餘。一見尙未通名。卽曰。先生忍心殺整整矣。事隔一年。生茫然不憶。整整爲誰。客曰。君不憶水榭之後。槐陰之間。與先生款語之人邪。生沈吟始憶。贈言之妓。卽曰。髣髴憶之。然忘懷矣。客曰。整整自受訓辭。日思得人以事。然終無如先生者。似一身之託。非先生莫可生。驚曰。然則欲媵我乎。客曰。然。生笑曰。此等可謂物情之顛倒。天下惟癡情者爲妓所迷。

或傾家以圖。顧竭其財力。勢亦足以感人。或有遂意之一日。然勾欄之習。本以術勾人。實亦未嘗受人之詆辱。其初內熱。信其所歡爲可恃。則委身事之。不知處家之道。與水榭殊科。客至求寵於妓。言無不從。求無不遂。甲將奪乙之眷也。故雖經妓冷煖。無不曲意承順。迨既娶爲妾媵之倫。則嫡庶分定。尊卑位殊。游語既不能發之。家庭顏色亦頓莊於平日。彼妓女初無學養。又不諳家居之靜況。以爲昔慕其色。故盡瘁其家。今日頓改前狀者。殆別有所眷。將爲秋扇之捐。則怨聲立作。至有決然舍去。更操故業者。然此猶從貴族言之。至於鄙人者。內有糟糠之妻。下有衮師之兒。家庭和睦。初無間言。果以整整蝨乎其間。意將割吾愛妻之愛。寵其身耶。然吾心殊不能恕。若寘之虛位。備婢媼之列。問之天良。又殊難安。實告君窮秀才抱黃臉婆兒。自云好色。此妄語也。以山妻之貌言之。恐當日水榭二十三人中。寡其匹也。然鄙人之愛。尙不爲其色。但不欲分吾心中徑寸之地。屬之新人。整整多情。而鄙人守義。幸爲我謝之可也。客無言。拂衣而起。言曰。世有鐵石心腸。如此漢者。吾見亦僅矣。後整整嫁一中年人。不久孀矣。

踐卓翁曰。東山之人。可取。東山之名。可去也。謝東山挾妓名聞典午之朝。其人東山也。

此酸腐之東山。終日如蠹魚。見妓而面赤。乃亦名爲東山。不幾令謝東山齒冷。郎雖然論妓女不諳家庭之靜況。此通病也。色則何人不好者。若無借老之思。但有荒淫之想。則獸交耳。仔細觀人。仍以穆生爲是。

鄭問

鄭問。字好問。浙之永嘉人。父觀德。爲洋商。時西人輪船。但用海戰。而商船仍帆船。號夾板。其高大亦如輪船。檣竿張十餘帆。趁風而駛。華船窮追不能及也。觀德自滬載貨赴天津。悉以是夾板行。頻年得利不貲。而好問年十三。白皙如玉。能背誦七經。如流水。喜讀蘇黃詩。塾師方授以時藝。格之不令讀。好問飲食兼人。體日益碩。年十三。觀者恆謂在二十以外。一日食豚肩而病。痰嚔嚔上下。顏色頓異。永嘉無良醫。咸指爲虛弱。服補劑。以益元氣。益沉頓。觀德夫婦大悲。懸千金之賞於門。謂能已其子病者。予之逾三日。有盲尼過其門。自云能療公子病。不受賞。尼衣服敝垢。臧獲輕之。不令面主人。尼大咤觀德。聞聲。出面斥其奴。廝禮尼以上客。顧尼衣垢。觀德扶將以入。隱隱聞有異香。發尼襟袖間。心異之。尼既捫索診。好問脈。命搗蘿蔔爲液。尼自袖出藥屑作碧色。投液中。命

連飲。忽喉間出痰塊。如石。神息頓醒。自云胸膈已清。不如前脹滿矣。尼留其家三日。跌坐弗睡。而好問疾愈。拜尼於座下。尼曰。衲與公子有緣法。後六年當相見。無以贈公子。捫胸間出小鐵笛。長四寸許。封識極密。謂好問曰。非有大難。不宜近口吹之。將不利於公子。然當須臾不去身。公子姻緣不在此。後來必有奇遇。囑觀德不宜爲好問論婚。觀德將授以金。尼大怖曰。足下以衲爲何如人。既盲且獨。需金奚爲。遂盤散出門而去。好問欲送。尼止之。家人過尼跌坐處。香氣經日不散。家人大以爲異。好問秘藏鐵笛。讀書如故。而觀德如尼言。亦不與人論婚。逾四年。好問入邑庠。食餼得拔萃科。鄉試不售。意悒悒。將遠游。觀德見其壯盛無恙。又夫婦老而溺愛。遂聽其趁夾板赴山東。時蔡牽方縱橫海上。李長庚諸人扼之。互有勝負。而蔡通兵略。出沒無恆。與官軍避道而行。觀德以爲海寇患洋船。必無事。遂聽好問北行。夾板甫及大洋。而賊船蟻附而至。西人縱巨砲攻之。船集仍不少卻。忽見海上帆來如蝶。揚大旗。官軍也。賊船始四散。己而官軍以八巨艘至。旗書李字。風颭海中。西人大喜。官軍亦陸續過夾板。慰勞西人。其中有大將翎頂輝耀。自稱爲李長庚。坐未定。諸官軍忽爭起反剪西人。投之海中。但留華人之能。

行舟者。勿死。簿錄舟中貨物。見好問伏於艙中。偉其儀表。問籍貫。好問一一自陳。僞李將軍喜曰。我蔡牽也。涎此夾板久矣。今乃幸得。余觀秀才似通文藝。留佐我治軍。書好問求生。不得已諾之。蘇遂下令還軍。舟行不知幾許。至一島。島上立壁。蘇之窟宅也。萬衆鼓笛來迎。而蔡視好問如上客。既入壁。頗營構如巨家。閹者十數。執兵侍立。蔡歸。令好問面夫人。夫人年三十許。並妾媵六人。妍媸雜出。然皆傅脂粉。盛服侍左右。獨蔡與壓寨夫人坐耳。好問進揖。蔡亦命坐。謂夫人曰。此吾家客也。夫人曰。將軍平日恆言軍中無好手司筆札。命吾女月闌任之。今得鄭先生。吾月闌可以罷役矣。蔡笑曰。余堂堂男子。幕府中乃命少女佐軍務。將爲李長庚齒。冷且長庚少與余同筆硯。今乃以官軍困余。且夕余必死之矣。顧月闌安在。今鄭生爲吾家人。可令出面。夫人卽傳呼侍婢翠鳳。延女公子出見客。移時簾箔開。生見幃中人出。如披水月觀音圖。畫美既無度。而清素之服。襯以玉貌。奕奕似有仙氣。既至。見生儀觀。亦頗前卻。夫人曰。此若翁所聘幕客鄭先生也。若翁憫爾勞。故以鄭君代汝。汝後此可自整理針線。及讀書。軍務不汝羈絆矣。女笑曰。翁勞我至。今茲得息肩矣。願亦不卽與生言。數語卽入。生防蔡見疑。亦垂首。

不敢平視。夫人遂令除舍舍生。飲食豐腆。生私計盲尼鐵笛。卽用於此耶。顧又不用。探懷笛存。則大喜。靜俟其變。一日忽壁中鼓聲如沸。知聚軍矣。遲明蔡牽上夾板。戰船百艘。尾之行。蔡自作戰。留生守壁。去經月不歸。生獨居無聊。忽聞夫人召。生入面。夫人貌和藹。旣命坐。謂生曰。先生稔吾將軍意。嚮所在乎。生謝曰。賤子蒙將軍生全。實未審鈞意何屬。夫人曰。老身四十無兒。獨有此女。而羣雌鬻鬻。咸不育。將軍方游弋海上。亦不以嗣續爲憂。老身徧觀諸軍。無當意者。先生至。如金玉照眼。將軍數言。將以月闌累先生。而又不自言。故老身與先生親自商定。生曰。賤子文不如隨。陸武不如關。張備數幕中。方慚坐食。而夫人及將軍。乃不棄貧賤。以天人嬪下。愚自審生平。無此豔福。夫人笑曰。先生何言之謙耶。先生謂此間爲金湯之固乎。吾家將軍。憤官吏貪殘。故遞跡海上。又爲衆擁立。爲魁師。其心不得已也。以清室全力培我。亦萬無瓦全之地。老身生死。隨將軍耳。顧此息女。有傾國之容。余何忍聽之同燼。先生允我。卽所以全吾愛女耳。生惶恐再拜如夫人言。夫人遂改口稱嬪。而壁中人觀生。乃加重。夫人曰。俟將軍歸。卽成禮。越三日。蔡牽自海上引衆歸。所喪失者僅二十艘。奪得官艘四十艘。告夫人曰。李長庚

中吾砲死矣。代者爲王得祿，乳臭不足慮也。是時壁中大置酒，聞夫人言婚約已成，又大喜。宴諸將，且徧告以得婚事，諸將皆賀。遂以三月中成禮。定情之夕，生如入鈞天之夢，模糊惺忪，若不知身之歷何境也。女旣嬪生，恩愛畢至。然時時露其不懌之色。生不之問，女亦不之告。一夕島中月明，竹柏之影，遮蔽闌楯，海風颯然，暑氣盡退。女命酒，張琴，與生同坐。月中女彈水仙操，訖生傾耳如醉。女忽停琴，歎曰：好問亦知吾非蔡氏女乎？生大駭曰：母夫人自云無兒，恃月闌以慰情，今奈何？與夫人所言左耶？月闌曰：吾爲呂氏女，金華人八歲時，從宦嶺南，船行爲蔡牽所刼，養以爲女。昔有張先生者，博極羣書，亦淪是中。蔡卽禮爲吾師，相從十年，師以病歿，區區所學盡得。諸張先生至今心常耿耿耳。生爲惻然曰：然則吾之岳父母均盡舟中矣。女以袖擁鼻泣不成聲，作斷續之音。答曰：終天之痛無時已矣。生疾起四顧，幸夜深侍者都息，無一人聞者。卽曰：塞主必敗，夫人亦見及之。惟爾我已淪是間，非舟莫脫，在勢當俱盡於此。於是彼此歔歔罷琴歸寢。夏令旣過，垂及中秋，敗耗聞諸海上，聞官軍將至，搗穴壁中，人多竊竊語。夫人憂形於色。此時女謂好問曰：島間有小洞甚陰沈，無敢入者，聞其宇有神物，歲時祠以太

半。意龍審其間乎。生喜事。曰。明日吾將探之。女不可。生弗聽。明日果以卒引至其下。生欲猝入。侍卒大駭。堅執弗聽。生奮腕徑入。初極窄。纔通人。三四十步以外。已見微光。其中深如廣堂。石壁光潔。上有題字。曰。長至日。去洞口北行里許。出笛吹之。當有奇驗。生大喜。曰。盲師之言應矣。急捫其笛。笛存。匆匆出。卒已驚駭欲僵。生諱言有石爲梗。不能深入。急歸告女。女亦大喜。裹明珠千數。價鉅萬。以囊縛諸腰際。待行。時已十月。蔡軍累敗。王得祿深洞兵事。累戰皆捷。蔡船但以引避而已。時亦挈夫人至軍。謂之曰。船上有兩金獅。脫遇難時。爾我各挈其一。於頸蹈海。死此身終不令王得祿得也。是年長至節。爲十一月十一日。生夫婦未曉起。各囊珠。腰下啓裹出銅笛。長四寸許。孔作金色。中有草書。曰。但信口吹之。三吹卽止。時甫遲明。夫婦相將至海濱。海靜無波。生出笛臨風而吹。其聲徹雲。三吹後。海上有帆迎風而至。其疾如箭。船人高頷如具三虎之力。疾下其帆。趣登。生夫婦入艙。而盲尼已坐蒲團之上。曰。趣還吾笛。時海嘯波騰。天地異色。而此船沈浮。直破濁浪。而前經日已近寧波洋。尼端坐瞑目。左右示舵師。準如羅盤。不失尺寸。既登岸。一轉瞬間。舟渺矣。邈迤至家。觀德以思子之故。終日頽臥不起。海上以寇警。

亦罷業。忽聞生歸。且挾美婦。則大喜。病若失。生潛與父母述。月闌事。遂諱言蔡牽女。但言自賊中逸出。娶婦於山東耳。出珠售之。富甲一郡。

踐卓翁曰。蔡牽兵略勝於李也。然孤行海上。不能據城邑而守。徒病行旅而已。決無成事。乃其禮重文人。前張而後鄭。似不類海寇所爲。而鄭生何修。乃得天人爲偶。而蔡妻者。亦女中之有識者也。吾聞亡師薛夫子言。蔡牽嗜芙蓉。然又深惡其毒。乃不知癩之所自生。一日擒得數人。皆嗜芙蓉者。蔡令縛置床下。自吹其簫。烟紋四繚。而床下則瞑然欲死。蔡曰。爾癩至乎。曰。至矣。蔡卽令人剖其心。視肝中有蟲蠕蠕然。蔡曰。然則吾肝亦如是乎。擲器而起。思革去之。而卒不自堅。以訖於亡。聞其蹈海時。尙吸芙蓉。令飽滿方就死也。

柳枝

李容者。江南廬州之巢縣人。以甲午舉人謁選入都。攜其十三齡之子。玉尊居其戚吳侍御家。侍御以能棋。與八分公奕隆爲友。過從甚密。李亦善棋。而能書。隆公一見稱美。謂侍御曰。李孝廉天機清妙。與之晤對。終日弗倦。余有幼女柳枝。年十四矣。其弟阿福。

甫十齡。邸中乏一教讀。然柳枝頗能詩。得李孝廉爲之師。思路當更濬。惟余頗清貧。月以二十金供孝廉。不審其能從我否。侍御笑曰。咸同之朝。官翰林者。月處館不過四金。今二十金乃云少耶。唯上公能否容其幼子。玉尊入邸。公曰。卽盈盈如玉雪者耶。年幾何矣。曰。十三。公曰。吾滿洲人以脫略高爽爲上。得玉尊伴讀亦佳。遂餘日置酒。延先生。容旣受聘。戒其子曰。阿尊我父子。婁人粹入。朱邸爾跬步不宜輕出。尊曰。吾父第行兒留吳翁家。或能自課。容曰。阿尊自爾失母。吾一日未嘗去汝。汝今文選漢書祇背誦。至半部不如更從我朝夕。竟其業。男子眼中宜不着貴賤第行。吾素足矣。尊遂如言。旣入邸。女弟子出拜。雖不髻而辮。而肌理如脂。眉目如畫矣。尊亦白晢敏妙。彼此對立如玉人。公見之愕然。容遂命尊入謁夫人。夫人年已四十。婉妙近三十以外。見尊美麗而嫺禮節。則大喜。旣授書。阿福少鈍。而柳枝慧倍於常女。尊慎守父訓。與女不交一言。女晨出而午入。治針黹可二時許。乃更出受唐詩音節。柔婉聲若繞梁。而飛尊每讀書輒輟而傾聽。之時以眼角斜睇。往往與女波接。則又俯而讀書。時二人雖年少。無猜然已兩兩心印矣。公亦時出與李談棋論書。見尊終日伏案。而書法學王。更柔而能剛。挺而

近媚。乃大稱許。然域以宗室平民之界。無媚尊之心也。於是二年。李得良鄉知縣。缺頗腴沃。而尊漢書文選已畢業。年十五矣。公大置酒。爲李父子送行。尊入拜夫人。夫人泣然曰。玉郎處吾家二年。余媿不盡禮。玉郎或不見罪。尊唯唯。更揖柳枝。柳枝雖強笑。而眼中似欲有言。乃爲禮所格。無敢輕出一字。李旣赴任。遂以資遣。尊赴巴黎留學。時爲光緒三十二年三月。都下方紛傳立憲。言人人殊。而孝欽太后。方失德菱女士。頗欲以人代之。聞柳枝名。卽以懿旨。宣入禁籓。隆公旣喜且悲。喜其女得侍東朝。或博郡主位號。悲則太后年高。喜怒無恆。恐將以此得禍。顧柳枝則夷然。一無所怯。準備入宮。公爲製美衣數襲。柳枝曰。無庸也。東朝果見悅者。當有賜賚。吾家雖窮。極思致終。遜宮製之美。不若仍以常服。進東朝。或矜清儉。美阿爺之廉素。公笑而允之。夫人則淚滋於頰矣。時孝欽方駐蹕南海。德宗皇帝不豫。獨居瀛台。隆裕后與帝別居。自瀛台至后寢殿。路至紆曲。然后於晨光未動時。已朝儀鸞殿。實未敢自至瀛台也。女旣入宮。隆裕后一見卽悅。孝欽亦頗稱女美。特恩眷不如德菱女士之深。時李崔二巨鎗。方用事。徵醫之詔。徧天下。諸侯各以醫至。人多藥雜。崔奄又希東朝旨。時與徵醫詰駭。兩宮御藥之房。

劃然不通有無。女晨朝儀鸞殿。侍孝欽櫛沐。軍機始入朝。女則與諸宮眷靜默侍丹扈。之後。孝欽季年服飾較前爲遜。雖珍寶山積。稀所進御。而帝雖癡喘。然尙臨朝。女見帝踞起甚艱。心竊憐之。顧無敢形諸顏色。防孝欽不測之怒也。南海本爲古苑。結構幽邃。女別居與殿門少遠。孝欽午睡。例得退居作家書。上其父母。亦偶涉筆墨。爲宮詞百篇。願未能就。余僅抄其數首云。紛傳小苑牡丹開。拂柳分花小輦來。行傍薜籬高履滑。夜來雨長一分苔。洞房侵曉試新粧。習習微風扇早涼。朝罷一聲傳御膳。宮娥捧盒盞鵝黃。殿門垂近整宮鞋。俯首時時患墜釵。老佛向儂微笑。大家來門入仙牌。(八仙牌爲孝欽自製者)陰陰柳外下宮車。沿水南行過物魚(亭名)宮眷緊談多瑣語。向人不敢說知書。新霜已降早寒凝。晚殿沈沈尙見燈。怪道內官侵早集。明朝法駕謁西陵。傍岸亭台萬柳絲。池波碧映綠玻璃。內官三五爲前導。百轉紅闌過御醫。女深秘其稿。不以示人。近年始零星見之。時爲十月十九。帝已大漸。宮中紛亂無紀。而徵醫分班進御。凡請脈東朝者。帝不之與。卽侍帝者。東朝亦不聽入。二十一日。帝崩於瀛台。二十二日。孝欽相繼升遐。內監爭竊禁中寶物。一時大亂。女隨隆裕后哭泣喪次。極力侍后。

於哀戚中頗以女爲賢。太后及大行皇帝既升梓宮。少帝立。攝政王監國。后遂聽女寧家。唯令不時調取。仍當入宮。女得出。公夫婦相見大悅。仍除舊舍居女。時爲宣統三年。女年已二十。武昌事起。少帝遜位。公欲殉國。夫人謂阿福少。而柳枝未有婿。家不聽。殉然皇室經費雖定。而俸祿弗及。莊田復荒。邸中漸貧。而大藩數人已避地析津。正月十二日。兵變。公邸在東城。聞砲聲。蘇拉奔入語曰。革命黨人入城矣。公曰。命已革矣。胡尙有革命之軍。吾意必有他變。語未卒。邸外已大譁。鎗聲續續而動。有數卒以鎗刺刺門。呼曰。趣開門。此貴人家。宜有金錢。王爺家財得諸國民。今國民還索之。王爺吾輩不勝清苦。當乞川資還鄉也。已而聚者愈衆。有三數人已奔至垂花門下。公知不免。遂挾夫人及柳枝阿福避入後園花窖。而邸中囂聲達曉。遲明視之。資帑一空。書畫紛落。蹂踐有斷其一段。以裹洋鎚者。晶玉之器小者已亡。巨者擲碎。庭墀之下。蒼涼如經兵燹。公及夫人咸大悲。而女所居之書屋。幸扁鏽未動。內廷所賜珍物及金錢。咸貯書篋之中。卽詩稿亦完整。女悲極却用以自慰。而家中亦漸集。公含悲命稍整理。衾褥幸在。蓋兵退匪至。而舍人已嚴扃其扉。故獲存百之一二。而公已清貧如洗矣。越二日。忽有郵者。

在門。則李君書至。馳致千金爲壽。且厲書於公曰。上公鈞鑒。容所治幸未遇亂。兵歲入如故。聞公被刦。心爲愴然。郵上千金。供一日從者之用。豚兒玉尊已歸自西洋。行且入都。通謁幸上公。以平日訓迪之恩。進而導之。公得書歎曰。李君終長者也。因謂夫人曰。皇室凌替。至此滿洲已亡。吾家當夷爲平民。柳枝年已二十。吾意不欲更嫁。貴胄玉尊。清整通膽。又爲吾故人之子。不如嫁之。余於玉尊初至時。並柳枝同立。幾成爲兩。玉人以格於宗室之尊。不遂。吾相婿之意。今滄桑之變。無貴無賤。吾當爲女得人。不能自矜。爲高帝龍種也。夫人曰。玉郎溫婉。與柳兒必諧好。無間。君不語我。我意已然。且俟明日決之。是日晨起。夫婦營營若有所待。已而闔者入言。李公子進謁。公趣入。卽延至柳枝書屋中。縹緗滿架。几席若染異香。玉尊蹶躅不卽坐。公及夫人同聲言曰。玉郎遊歐幾年矣。尊曰。匆匆五稔。不圖歸國。竟逢巨變。公曰。尊甫篤念故交。昨以千金見賜。平日老夫視此。初不屬意。今難中直若饑之得。昭渴之得。飲也。嗟夫。尊甫古誼直哀。王孫而進食矣。夫人猝曰。玉郎娶未。玉尊忸怩不能答。久乃言曰。未聞家君有此訓令。公曰。然則未娶耳。玉尊低首仍不之答。公及夫人相視無語。乃曰。玉郎胡不暫住邸中。玉尊曰。家

君命以明日赴縣。公曰：然則玉郎當爲老夫屬書。公匆匆卽案上作札。玉尊斜睨。中有以室女奉公子箕帚云云。玉尊此時腦筋紛亂。幾暈於地。幸力支其軀。然顏色已變。夫人大驚曰：玉郎何爲？玉尊曰：適肝氣動。時有此患。非劇疾也。移時當愈。夫人趣進茗。茗入神定。袖書與辭。顧亦不敢竊啓。既上之父母。李大悅曰：柳枝雖隸身玉牒。然才女也。又事我如父。吾兒得此爲配。幸福無窮。立時報書。以金條脫簪珠爲定。已復自笑曰：在昔萬無是事。區區一條脫。殊足令邸中人齒冷。顧在今日。又別論矣。禮成後。玉尊如身侍金仙。幾於匪日。不加膜拜。女則溫裕如昔。不厭薄陋。嘗私謂玉尊曰：吾自入宮侍東朝。長日在錦繡堆中。如飫甜甘。而不鹽豉。今日方知蘆簾紙帳。閣暖梅甜。勝於玉京絳闕多矣。

踐卓翁曰：翁之小說。多得諸傳述。此事聞之吾友林瑯西。瑯西方藝田南苑。歲入數千金。長日蕭然。哦詩自樂。余羨之不已。一日酒半。述此以示。余事頗真實。人則假託耳。嗟夫。歷代易姓。實無如民國之處。皇室善也。隆裕太后以馬鄧之母儀。踵唐虞之盛事。太和殿衷悼之會。至者數萬人。無一人不厲悲悼者。卽隆公亦深明盛衰之理。不以殘貴。

驕人以嬌女嫁士流慨然不以爲貶遂使一時佳話傳播千春踐卓翁筆墨與有光榮矣。

綠筠

綠筠者王部郎紫山侍婢也。綠筠母夢萬竹中飛來一鸚鵡遂生綠筠。因以筠爲字。父老明經。頗授以唐詩。粗能乘筆。軀幹小而媚。山眉杏靨。秀透絕倫。明經夫婦以疫死。無子。其舅呂二利筠美。遂挾而至都。其始將鬻諸勾欄。旣而夢其姊厲責。遂止。因貨諸王部郎家。得一百六十金。部郎年四十許。廣州人。欲納之。夫人許氏不可。晝夕不去。側部郎雖涎之。顧無敢染指。然許夫人亦至愛綠筠。嘗曰。吾必爲之擇。一佳婿更以三百金遣嫁之。戊戌禮部試。部郎之友東越凌生墨君。主部郎家。時墨君新喪偶。偃偃不可自聊。悅綠筠美。請諸部郎。取爲旁妻。部郎雅不欲。卽綠筠意亦弗屑。以墨君年垂四十。雖以文字知名。家亦素封。然多髭也。許夫人素重墨君。顧重違綠筠之意。亦依違其間。議遂寢。部郎爲吏部主稿。頗婪而不理於口。御史蕭君露章劾之事。下堂官訊鞫。堂官某公。旗員也。其好貨甚於部郎。公子桃笙。素聞綠筠美。以人示意。謂果得綠筠者。必爲向

其親庭道地。部郎虞禍。不得已。盛飾綠筠。獻之。公子事得解。以無實覆奏。公子以筆政。黃緣出守梧州。妻紐姑祿氏。奇妬。顧桃笙有威力。足以懾之。妻含毒弗逞。每於公子前。陽爲綠筠理衣整履。時時懷小刃。幾欲出不意。割其腹。而公子廉其情。無在不防。既挈妻妾赴梧州。過上海。公子淫蕩成性。雖愛綠筠。然頗有外遇。既至滬。眼熱鶯花。匪夕不爲紅裙之醉。或三數夕不歸。妻遂與從者倪二謀。以藥投之食中。飲綠筠。遂昏昏不醒。倪二及其妻鄭氏。載綠筠至杭州。將鬻之拱宸橋妓寮中。藥力薄。綠筠於舟中夜醒。殘燭尙明。聞倪二夫婦在前艙。商所以鬻己事。則大悲。計不如死。乃深悔。當時不事墨君。而從此悍婦。遂啓窗大呼墨君。我負波矣。直投水中。是夜盛雨。江漲。倪二呼人而綠筠已隨流下駛十餘里。方其入水時。觸松樹斷枝。綠筠以手攀之。沈浮不已。隱隱見桑陰下有客舟。停於水次。女附松枝。適近其艙。不期狂呻。時船客三數。方圍棋。噉茗。未寢。聞聲出視。則見松枝絆一翠衣之女。聽之。頗有呻楚聲。卽呼船人起之。三客中一人。則墨君也。方挾其從子。及其同窗何君世玉。遊聖湖。適泊舟於此。初不認救者之爲綠筠。時別已三年。綠筠亦長。秀髮被面。面白如紙。墨君初不之識。卽令以薑液灌之。俾盡吐其

水。女少醒。尚呼曰。墨君。我負汝也。墨君大駭。同遊者亦相視莫解。少須眼張矣。猝見多。髭立其前。卽復呼曰。墨君。先生兒。惟不知人。故及於此。今夕相逢。得毋夢寐。墨君拭目。端審。乃奇駭曰。汝非夢鸚鵡而生之綠筠邪。女曰。鸚鵡不惟折翼。且沈之江流。不得先生立歸。魚腹。墨君曰。聞吾友言。綠筠已侍梧州太守。梧州去此良遠。何以在此。綠筠曰。大婦陰謀。乘太守外出。藥我以酒。醉中爲奴星將至杭州。議鬻諸勾欄之中。舟中夜醒。知狀。決計一死。乃水上幸觸松枝。沿流至此。寧非天邪。墨君曰。太守今安在。吾將送歸彼家矣。綠筠曰。然則墨君。先生仍實我。越水之間。足矣。太守執袴。頗不惡。然其婦乃陰毒左計。倍於常人。以從一而終之義。義固宜歸。然旣以死自絕其人。何足更蒞彼家。再罹毒螫。墨君先生。果不以墜溷之花。鄙我者。謹爲郎。且夕捧硯耳。墨君曰。論一見傾心之意。當寄寓王家。久爲女郎。顛倒。顧綠筠年少。不更事。吾亦萬不汝怪。惟出人於死。而卽因以爲利於義。非當果爲太守所知。謂乘難而謀其妾。則余一生品節。淪喪盡矣。綠筠泣曰。先生至此。尚以頭巾自待耶。兒旣以死自誓。先生生之。則此身已爲凌家之人。必再付狂且。兒亦終歸一死。則兒不死於狂且。直死於先生之迂腐。先生自計。寧聽綠

筠再葬魚腹耶。將錄爲侍香小史。用爲綠筠後來讖悔之地。那墨君笑曰。然則爾不恨多髭耶。矣。綠筠低頭羞赧無地。墨君顧世玉曰。如何。世玉曰。此女不歸君。度無全地。君久久物色。不得麗姝。不如償其舊日之願。蓋美羹新熟。而廚者先嘗。大廈初成。而匠人先臥。君何靳焉。墨君曰。管仲魏徵。固貳臣也。今如綠筠之請矣。時爲五月。乃閉綠筠於中艙。以五十金餌舟人。俾勿言。且晾其衣。移舟向嘉興。不至杭州矣。住嘉興八日。爲製衣襦。令世玉出滬偵桃笙。聞與其婦勃谿。遂取道廣州。入桂。倪二亦潛跡不見。墨君始載美人歸於東越。

踐卓翁曰。甚哉。髭之累人也。墨君詩才文筆。皆冠一時。顧以髻髻者爲玉人。防刺其小吻。居然吐棄。一無所惜。乃偶涉朱門。幾肇沈湘之禍。而天造地設。公然遇及舊日情人。綠筠固託身得人矣。然墨君則享人之殘羹冷炙。何以爲情。幸在危迫之中。尙能念念墨君。不置。此所以更得瓦全。嗚呼。女子以身託人。固不易哉。

玉格

韓生子馥。香天長人。父標。以名孝廉。精於醫。中年登第。出爲陝西經陽縣。子馥年十二。

歲已能文。然時時竊讀其父書。深悅歧黃術。標賞其慧。課文之暇。亦時時與講脈決。子馥動輒神會。年十六。已博極羣書。於醫理尤精。以去家遠。標不令其應試於南省。將令之坐監讀書。一日與幕客謝姓同遊華山。居逆旅中。隔鄰有髯丈夫吳姓。與謝客善。忽造訪。言母病甚篤。苦無良醫。謝顧子馥而笑。子馥搖手止之。而髯已覺起而揖曰。觀謝君神宇間。似公子良於醫。鄙人四海無家。避仇至此。獨以有老母在。不能拔身遠行。今老母沈篤。終夜呻楚。吾奚以堪。公子能垂念鄙人。有以起我老母。後此雖萬死不敢忘德。子馥不得已諾之。髯遂延過其家。母年七十餘。已羸困不堪。子馥一劑而愈。髯伏地再拜。詢知子馥將入國子。則言異日亦將奉母至都。圖與公子相見。山遊既歸。明年正月。標爲之治裝。以幹僕送之。標有中表官奉常。居武王侯胡同。生旣入都。適逢國諱。遂未入監。春日無聊。信步及馬狀元胡同。見繚垣一帶。喬木參天。似故家園林。朱扉已駭落作壞色。然猶虛掩。生少年喜遊覽。闖然竟入。亭台樓閣。重疊新柳。已微黃。池水久涸。而柳絲萬縷。垂垂繞池。柳陰微徑。宛宛如繩。不知所竄。生信步循柳徑入。徑盡。見一廣廳。闕無人聲。屏上懸郭汾陽山水一幅。林巒起伏。筆力雄秀。殆非膺本方。徊徘徊間。忽見

柳陰中有老蒼頭。持藥裹至。見生愕然。生神采奕奕。衣飾鮮華。知非常人。乃無敢。因問尊客胡來。何不通刺。且主母老孀。家無三尺之男。尊客之來。意將誰謁。生覘然拱謝曰。鄙人南產。遊學至都。信步及此。見尊園門闕。無心冒入。幸總管見恕。敢問主人誰氏。總管尊姓。蒼頭曰。主人官成都將軍。姓章佳氏。爲中堂之孫。薨於任所。五十無兒。承繼一男。又遊蕩不務正業。恆十餘日不歸。遺產已蕩。留者此廢園耳。老僕承恩三世。爲河間徐姓。生曰。徐管所持藥裹。又誰病耶。僕曰。主母委頓逾月矣。更三醫。均無驗。生請方觀之。又問蒼頭病狀。輒搖首不已。徐僕曰。適絮絮問老奴家事。顧乃未請尊姓。生笑曰。鄙人韓子馥。天長人。徐僕曰。觀尊客讀方。而貌弗懌。或知醫耳。韓曰。所學非精。然按狀。此方決難已病。徐大喜曰。請稟白主母。延先生入診。子馥技癢。笑可其請。蒼頭既入。出傳主母之言曰。公子久出未歸。請以女公子待客。敬導先生入診。韓生少年。然頗秉禮。聞爲女公子。神儀肅然。隨徐僕轉入闌干數道。始及寢門。女公子高髻巍然。遲於堂階之上。長眉入鬢。輔頰作玫瑰色。豐艷異常。顧肥不顯肉。頎頎然。天人也。衣藕白之衫。舉止溫雅。言曰。適徐僕述先生精於歧黃。不圖遊憩敝園。寒第竟逢。廬扁老母。沈疴已。

久連更數醫無毫髮之驗。母子相依爲命。脫有不諱。且奈何也。言時淚盈於睫。生揖而答曰。家君治醫三十年。某得自庭訓耳。茲聞紀綱述太夫人清恙。因爲毛遂之薦。女公子若不寒陋。爲鄙請恭謁太夫人。請脈。女感荷無已。侍兒揭帷。屋中陳設尙華好。均故家遺軌。太夫人年五十餘。呼曰玉格。延先生坐。女肅客後。出方絮絮述病狀。生披閱其方。皆誤。旣爲切脈。細處一方。言曰。太夫人所患非輕。然病中似挾憂憤。病固易祛。心病當自療之。必五劑始驗。設果見効。小子居武王侯胡同。陸奉常家。以紀綱見召。當卽至。太夫人及玉格皆謝。玉格送客至門次。言曰。敬謝先生果老母獲痊。當泥首庭墀。祝先生萬福。生無言。躡揖而出。明日徐僕至。言太夫人進藥後。大嘔。眩暈已止。能進粥矣。生悅。再至。玉格已盈盈有笑容。口輔作小窻。秀媚令人欲醉。言曰。先生之術。一何神耶。老母進藥後。眩暈已止。不似前此岑岑矣。晚來頗思食。生曰。勿驟驟則傷胃。於是四日。太夫人受藥後。病若失。能起。令玉格梳掠矣。顧心感子馥。欲以乾阿嬾自待。乃不敢矢口。因謂子馥曰。天下固有緣法。老身非先生不能更履地上。嗣子自老身病後。已經月不見。親戚多貴要。以老身貧薄。感格不往來。脫使先生爲老身外氏之羣從。則日相過。

從亦足以解憂鬱。想尊堂夫人前生有福。乃毓此俊子。而老身願。乃無之言。次泣然而玉格已淚流被頰矣。生曰。果太夫人不以貴賤之殊。願爲夫人假子。太夫人大悅曰。老身福薄。安妄敢冀。生已起拜。太夫人呼曰。玉格爾拜阿兄。並爲若母致謝。因彼此同拜。太夫人曰。老身固有莊田。爲不肖子售典都盡。遺此老屋。猶息息趣以賣人。幸家累微。上下不過數口。屋多人少。風聲騷然。每值秋深。殘柳敗荷。淒涼滿目。老身母子往往閉閣不出。今得阿馥。過往爲樂。此心滋慰。惟入監之期尙遠。胡不襍被厲此。此間風廊水榭。百有餘區。吾兒擇其可以厲研者居之。不寧適耶。生曰。可當請諸奉常。奉常者俗宦也。算及錙銖。聞生移居甚樂。於是遂徙而園居。居近夫人寢門。名曰溫琴室。與綠眠庵近。庵有相國自書楹聯云。花漸清。柳漸陰。破曉籬櫺無限綠。月兒缺。風兒峭。中春庭館不多寒。生旣位置琴裝。幹僕卽居綠眠庵側。晨夕朝夫人。而玉格者。知書喜昌谷集。月明中讀昌谷詩。瑯琊然聞於戶外。時玉格年十九。子馥年十七。兒時必在夫人室中。玉格不輕出。而子馥亦未嘗冒入也。一日嗣子忽歸。亂髮交頤。愁猛多力。帶醉入面。夫人言此宅已賃諸某。貝子爲別業。吾已得金二萬。爾母子明日當徙矣。夫人及玉格皆

哭。生知有變。顧以夫人家事。乃不敢入問。醉人既大肆詈罵。踰垣而出。見生大呼。爾何人。敢蝨吾家耶。將肆老拳。夫人疾出。言曰。是爲我乾兒。吾病久。兒爲愈之。汝棄我如遺。尙何問爲。醉人曰。卽爲爾假子。然亦不能居吾家。今日必出此門。留卽無幸。醉人既去。夫人泣曰。阿馥事急矣。此宅必售。老身藏黃金千兩。皆先相國生時所遺者。卽去此宅。亦可自活。滿漢固不通婚。然康熙時。已有上諭。吾卽以玉格嫁汝。汝同老僕就外間爲我賃宅。尅日成禮。吾誓去此屋。付此賊子矣。此賊兇頑。要結某貝子。訟之。必不勝。不如避之。爲當生曰。當稟述父母。然後奉命。太夫人曰。玉格之貌與才。度兩大人必無所靳。今以遷居爲急。遂命老僕檢家具。以簡爲度。遂移居鑼鼓巷。頗有樹木水石之勝。乃召嗣子以券授之。言曰。爾隳吾先業。余母子已空諸所有矣。後此無復往來。母子之誼已絕。恣爾所爲可也。嗣子曰。想爾定有餘蓄。吾且罄所有。當更來。爾留此蠻子。決非善類。備之備之。終始落吾手也。生聞言大駭。太夫人曰。勿憂。宅貨二萬。縱博決不立盡。吾輩且偷生耳。已而涇陽書至。遂允其請。成嘉禮。玉格溫婉節節。可人意。夫婦倡隨。至樂已。而生遂別夫人玉格入監。玉格月必通書。又治食極精良。令僕饋問。一日子馥忽得一

書曰。汝以漢人賤種。乃婿高門。奪吾妹氏。明日將軍忌辰。聞玉格招爾歸祭。非我族類。神胡來饗。夜中汝善爲備。歸死爾家。愈於死國子監中也。生年少。固有胆幹。決爲恫疑。虛喝之詞。明日慨然自歸。道中忽遇舊日之髻丈夫。詫曰。君容色非佳。今日決有凶兆。但堅捍其扉。鄙人決至。君非新居鑼鼓巷者耶。生大駭曰。君何日入都。又何由知我居。止髻笑曰。醫母之德。晨夕懷感。息息迹君。以僕善望氣。知君必有大難。今日入都。正爲此耳。語後一拱而別。生愕然歸告玉格。舉家大震。於是匆匆祭將軍。夫人泣曰。將軍背我母女而去。今嫁得快婿。而兇人又將加害。願將軍英靈殄此元醜。全我孤孀。祝已大哭。玉格已成淚人。生歎息不止。抵暮母女及生共閉複室。嚴捍其扉。三更向盡。屋上似有數人行步聲。疾落庭墀。一人呼曰。韓賊趣出受死。語未竟。一人呼曰。吾背上中標矣。似別有一人如飛鳥疾下。刀劍相觸作聲。似聞刃斷。鏘然擲於階除。又聞捉得一人。餘人皆逸。其聲則髻丈夫也。髻曰。汝忤逆不義。又復殘及弱妹。死爾於此。將大累人。今從我至。城外冤爾。死所言已寂然。子馥啓扉。玉格痛挽不令出。明日向晨。見階上列斷刃三而已。又明日始聞逆子爲人刃於城外西山之跌。韓意髻所爲也。尋舉進士。仕至司

業。

踐卓翁曰。俠客美人。皆孝。而韓生能成人之孝。上帝佑之。既遠凶禍。復得賢妻。事近迷信。不知世之蘊善機者。履危非危。蘊殺機者。往往自覆。此誰司其券者。吾亦但能歸之上帝耳。上帝不可知。信則有之。人人心中。便各有一上帝者。何惡之足爲。

竇綠波

張宸。字紫薇。閩之溫陵人也。與蔡相國新有連。少年美風姿。讀書至淵博。年二十一。領解。娶呂氏。爲泉州知府呂公世勳女。容華絕代。工詩。而性至婉順。生故有家資。無兄弟。獨其孀母在耳。長齋繡佛。遺落世事。肫然無所可否。然酷愛其子及婦。不聽其片晌去左右也。相國器生才藝。屬以書趣之入都。呂夫人重違相國之請。遲遲不遣。生就道。且厚爲之資。以備匱乏。生所挾頗豐。一幹僕吳德隨行。溫順而解事。呂夫人得吳德左右侍心亦釋然。既入都。館于相國家。相國爲之延譽於公卿間。爭欲致之門下。願生落落無所慕。暇與相國論文外。未嘗爲浪遊。一日聞六吉園演劇。偶一臨觀。則武旦竇綠波。演樊梨花。霜袍銀鎧。束小脚。削若菱角。而飛行絕迹。掀翻作蛺蝶舞。且風貌如仙。生大

賞之明日更往爲時稍夙徘徊門外將入矣。譁言竇至門前已盛集多人。竇至幾不能入而生雜至竇側竇迴眸見生神爲之奪蓋彼此互驚其美移時竇入生足下如有所蹴下拾則一綠玉之玦上綴一綾巾蘭麝之氣噴溢生歎曰是必竇郎腰間物也是日視不終劇卽遲之於門外移時竇果出登車尙偕一同業之人亦斌媚可人意竇忽語其人曰吾今日於是間失一綠玉玦物爲十一皇子所贈值可千金惜不知落於誰手生不期進揖曰物爲鄙人所拾遲竇郎於此久矣敬以奉還竇見生大喜執手言曰廉潔如先生世不多見敝廬非遠能否屈尊一臨生答匆匆未以車來竇曰吾車在是可以同坐於是謝其同業者挈生登車生南產登車頗鈍竇挈之如舉乳下之兒生大驚二人於車中作寒暄然竇吐屬至嫻雅不類風塵中人生愈悅既至其家陳設雅素架上。有。弇州。四部。稿。生。駭。問。何。來。則。某。太。史。所。贈。也。生。問。曾。披。閱。否。竇。搖。首。曰。此。書。但。插。架。作。巨。觀。果。用。功。者。不。能。奉。是。書。爲。圭。臬。生。愈。異。之。曰。竇。郎。非。凡。人。也。問。溫。雅。如。是。胡。以。能。武。竇。泣。然。自。述。其。父。曾。以。進。士。出。宰。嶺。南。以。奇。荒。散。積。穀。振。飢。爲。上。峯。所。彈。免。官。追。逋。急。乃。自。裁。身。同。其。孀。母。及。妹。流。離。於。嶺。表。時。年。十。七。妹。年。十。二。有。郭。翁。者。大。俠。也。

感縣官爲民而罹禍。則延之家。飲食以外。授以少林拳法。並令之學劍。凡二年。復挈之入都。託一摯友。友則以位自隱。故從之。度曲幸而得名。今年二十有二。妹季樾十七矣。生問妹婿。有人乎。寶曰。妹矢言不嫁同業。苟事文人。媵之可也。生悠忽間聞之。亦不屬意。寶既治具。至豐腆。複室中。陳設華好。壁上有古琴一張。觸指作異聲。似數百年物。生爲鼓一曲。而紗窗外隱隱有環影。似有人竊聽者。生意必季樾矣。於是流連寶家。夜午始歸。明日寶已至。相見如親故。生雖醉寶之色。然生平秉母訓。重陰鷺。遂遏其邪念。而寶見生。無他意。亦安之。是春。考事既訖。相國賞其闡作。以爲必售。已而果掇巍科。是時某公當國。殿試時。副總裁某。將拔生第一。忤某公意。力抑置二甲。生憤。朝考時。撲筆遽出。遂觀政秋園。生夷然不屑意。而寶已狠狠不平。生轉以達語慰之。時季樾已稔生日。不歛避。一至寶赴堂會。生至其家。季樾導生見母。生長揖稱夫人。寶母曰。蠢子淪於下賤。貴人先有還珠之義。已復屈尊爲寒門。光寵待之。以穉弟老身。知貴人冲操。其待吾子也。不以梨園子弟目之。茲復尊老身。以貴稱。折殺老身矣。小女頗不惡。亦頗效文人。爲吟詠。未知能中程與否。幸貴人教之。生謙讓曰。女郎才美。珠玉琳瑯。飽饜眼福。足矣。

點金成鐵。賤子無是胆。力竇母大笑。趣傳餐。於是生與季樺同飯於母寢。女曰。先生舊爲阿兄書小屏。詩筆似吳蓮洋。兒略能上口。生驚曰。蓮洋死未久。吾固效其體。然吾小屏中未言吾詩學蓮洋也。女郎何由知之。女曰。兒亦頗嗜吳集吟。先生大著格調。甚似不期無心而偶中也。生稱羨無已。時相國已寓書生母。因其戚王給諫入都。囑與同來。呂旣至。而母夫人益健。生大悅。積日不至竇家。而竇已負盛名。堂會無虛日。亦不覺生之疏闊。惟季樺念生切。忽作小柬寓生曰。秋曹紫薇先生教下。秋來菊花斬開。聞呂夫人已入都。恨婢子猥賤。不能一見。家下綠菊甚美。敬以二盆上。呂夫人。寘之璇闥。當益助琴後詩前清興。阿兄長日不歸。徐榻塵封。高土竟久不至。老母時時頗念先生也。婢子竇季樺稟啓。書至時。生適外出。爲呂氏所得。書法旣秀潤。而語亦溫婉。不類勾欄中人。且云。有母有兄。似紫薇亦累及其家者。疑爲外婦。而又不類。心頗怪之。遂藏其書。迨晚。生歸。呂問長日安適。生言爲人邀至花市觀綠菊。呂微哂曰。有人已以綠菊奉君。生駭問何人。呂笑曰。木樨與綠菊孰美。生聞呂言及木樨。知季樺事已爲呂聞。卽問曰。竇氏女郎有書至邪。呂氏曰。不敢奉欺。書落吾手。敢問竇女果何人也。郎平日自愛。決無。

狹斜之遊。且竇女語氣亦落落無染。質言之。竇女果何人也。生遂一一語呂。且云女意決不下偶優伶。必嫁士流。雖賸無恤。呂大喜曰。賸他人不如賸我。耶且少待。我自作書招之。呂因裁箋答曰。季樾女士粧次。綠菊之惠。心感無既。鄙意甚願女士臨存吾家。海上初來。一無女伴。女士工於絮詠。俾得一聆珠玉。請告老母旦夕。以筭與奉。邀幸勿吝。此玉趾。呂簡拜肅。季樾得書讀之。至再。喟然曰。吾終身所屬。其在是人乎。遂持書面母曰。呂夫人以書趣兒至其家。觀其談吐。似有意於兒。兒擬以大婦之禮事之。母曰。余老矣。聽汝所擇。余觀張秋曹純正無邪之君子。若兄事之。甚恭。汝既屬意其人。而呂夫人又加青睞。汝投身其門。必不遭踐蹂。季樾悅。遂盛服至門。入門卽拜。自處如雛婢。呂見季樾肌膚瑩潔。作玉色。絳頰秀眉。如初綻之海棠。凌風欲顛。而引手摩其頸。觸指如脂。季樾亦微睨夫人。則金容滿月。如天人心念。張郎福命。既得有福之妻。則決無薄命之妾。呂夫人欲言又止。遲遲始吞吐語。女曰。樾娘。汝果不薄吾家者。爲吾雛妹可乎。女僞爲弗解。謝曰。夫人奇貴。乃欲妹婢子。耶人貴自省。胡敢忘其猥賤。呂笑曰。妹誤矣。我欲效娥皇也。女大感動。跼蹐不自安。呂復爲之掠髻。曰。歸告母兄。余明日以聘禮至矣。女

不期盈盈拜於呂之膝下。以面伏呂襟間。作嬌啼。呂掖而起曰。此後吾家人矣。女尙嗚咽。呂知其感恩深。故爲此態也。則出羅巾爲之拭淚。遣歸。且送之門外。迨女歸。而母已告之緣波。緣波亦稱意。見女卽與道意。女益慚。不答。趨入母側。母曰。諧乎。女微點其首。母亦悅。遂爲緇吉。時寶已有厚積。遂以萬金嫁妹。生喜極。不知所云。尋爲相國所聞。相國亦不之責也。

踐卓翁曰。此翁說夢話邪。抑真有其事耶。然讀吾小說者。恆以爲真。嗚呼。純言非真。則翁成爲說謊之叟矣。實則其中固有真者在。且付讀者猜之。翁作小說時。腦中有時初無稿。本用二。百。四。十。錢。狼。毫。之。筆。一。蘸。濃。墨。而。小。說。已。汨。汨。而。來。或。千。旋。百。轉。若。織。女。機。絲。抽。之。不。窮。逾。日。問。之。踐。卓。翁。仍。茫。然。不。記。轉。樂。聽。他。人。之。道。吾。小。說。津。津。有。味。若。非。出。諸。吾。筆。者。怪。哉。怪。哉。老。妾。言。余。筆。尖。中。有。小。鬼。如。英。人。小。說。中。所。謂。拍。克。者。果。真。有。小。鬼。者。除。夕。已。近。余。將。以。祠。長。恩。與。如。願。者。祠。之。俾。常。得。錢。買。撒。拿。吐。瑾。也。

謝蘭言

韓子羽者。叙州之富順人。父元化。官台灣兵備道。時台灣新闢。關稅司之道憲。尋歸

鎮閩將軍。然元化蒞事時。則歐洲之商舶新入口。稅款滋豐。以是元化宦囊極碩。顧爲年四十。僅生子羽。子羽生而穎悟。倍常童。美風姿。讀書十行並下。時駐台英領事倭君嗜中學。其夫人葳雲仙亦能讀杜詩。中外多交涉事。元化長於吏治。審情勢。知不籠絡外人。則教案不易著手。於是時時往候。因得面其夫人。元化以名翰林外補。本以博雅稱於詞垣。因爲葳夫人講解杜詩。夫人大悅。時倭君同蒞官齋。倭君嗜南華。不得人詳譯。一日見子羽案上有譚友夏所刻郭注莊子。則大喜。檢養生主一篇。叩之子羽。歷歷講譯。倭君若解。若不解。然心滋服。子羽之慧而葳夫人尤心賞之。以故兩家過從無間。元化卽令子羽受業于夫人。學語言文字及算學。是時風氣未開。國人視西學如仇讎。以爲大畔。孔子之教無過問者。元化獨先風氣。令其子執業。幕中諸客及其親屬咸不謂然。以元化不務正業。乃令其子入教。元化堅挺不爲動。子羽從夫人二年。西語已精通。能作尺牘矣。夫人深以爲異。時倭君任滿。將反國。子羽年已十九。葳夫人請於元化。令子羽同至歐西入學。凡聲光汽化電。縱其所擇。元化有遠見。知西學必昌於中國。且馬江船局開學堂。立不如先令子羽西遊。得風氣之先也。告諸其妻蘇夫人。夫人不可。

元化啓導者再始允。于是治任。令子羽從倭君夫婦行。且曰。僕但有此子。君夫婦兒視之可也。遂以輪船至香港。且多予之資。俾客中勿窘。既至粵。居香港三日。遂以公司船行。船名坎拿大。渠渠如夏屋。男女雜沓。無慮百餘人。有與倭君爲禮者。有但識夫人。令介紹見倭君者。餐時男女同坐。而子羽坐處。聯一女郎。似粵產。高頤而瑩。白高不逾度。頤而能纖。修眉入鬢。星眼如澄波。流媚動人。奇香散馥。陣陣襲人。作西裝。一冠之值。殆近百金矣。襟上鑽光射。警若電。子羽心醉其艷。顧無介不敢求通。西俗謙聚時。與女郎聯座者。供役之事。悉男子爲任。以故斟酒及一切承應。子羽咸一一如禮。女郎似感。流波送睇。但不通辭。於是餐時。或聯座。或不聯座。女郎遙遙微哂。而子羽益惑。一日海平如鏡。纖雲不生。時已春暮。微暄。子羽登艙面觀海。海作碧色。遊魚歷歷可數。轉過右舷。忽見歲夫人。正憑闌與女郎語。夫人呼曰。密斯忒韓。此爲君同國之閨秀。密斯謝蘭言。君不識耶。子羽鞠躬曰。敝國地廣人多。胡能盡識。乞夫人介紹一見。於是夫人指示女郎曰。此爲韓子羽。貴國望胃也。子羽始進與女握手。問姓。後知女爲香山人。父謝有光。爲大賈。有巨肆在新加坡。家資逾數百萬。遣女求學於歐西。女吐屬甚莊重。子羽不敢。

爲絮語。卽退就夫人。同立船次。望海日。旰聞鐘。始入艙。舍嗽盥。易衣。就餐。餐時而蘭言正與子羽接座。夫人與倭君坐稍遠。子羽微問女曰。女士在家時。想讀書必宏博無倫。今西行將治何業。女曰。先曾祖官陝西按察使。內調爲刑部侍郎。先祖生時。積書十餘萬卷。廣州地濕。幾傷於蠹。幸以人司之。得無恙。兒幼時。頗嗜此。稍稍披閱。尙未及其半。家嚴舍業爲海行。近年亦不更出。謂蠹簡無益。因令出洋。子羽曰。女士治西文幾年矣。曰。四年。於文字粗通。語言亦頗能上口。子羽曰。適觀女士與夫人酬對。幾不辨爲中國人。何精微爛熟。至是。生微哂曰。先生扇獎過矣。子羽問女士所居在幾舍。曰。第二十八號。兒所居也。先生所居。想與歲夫人爲近。曰。否。僕所居在五十七號。遂約相訪。餐罷。執手爲別。明日子羽於未臨餐前。至女所居。則晨粧初罷。舍中奩具外。有書十餘函。中西半之。子羽因問女士。想必精於詩。未知行篋中大稿幾許。女曰。間亦嗜此。初不多作。宋芷灣先生與寒家有交誼。時讀其詩。然獨往獨來。頗殊特。可喜。宋先生近已遠遊。不恆歸粵矣。子羽曰。然則女郎旣喜宋芷灣。定以屈翁山爲能矣。女笑曰。先生何由知之。因就案上出翁山詩。作蠅頭細書。批閱殆滿。子羽欲借觀。女堅執不可。子羽歎息以爲。

奇才女靚。若不勝。慚。舟行月餘。相見無虛日。因是漸稔。既至倫敦。生遂從倭君夫婦同居。女居大逆旅。以所挾黃金五萬餘。起居華富。如歐洲之貴婦。已而女入中學。子羽則就礦學。堂相距不二里。星期休暇。必相約爲野行。女年二十。子羽恆以姊呼之。間亦倡和子羽。每得女詩。輒重裹而藏。如秘重寶。一日爲星期之晨。女忽不至。生造間。則逆旅中人。告以女患急病。已昇赴醫院。子羽大驚。如喪其親屬。卽以市車馳赴醫院。問之。女方沈頓。不令生人入面。子羽無術。但坐候於外。以金磅賂閹者。並賂看護婦。俾乘醫生。他出。潛入一面。二人得金。於黃昏時。潛導以入。女方仰臥。面白如牛乳。看護婦言。昨日已漸漸省人。醫生堅囑其勿發聲。子羽積淚滿眶。臨榻前問曰。姊氏。聲咽于喉。已不能續發。女悠悠似覺。面子羽曰。弟至耶。吾夢中方與弟作語。語已亦淚簌簌而落。子羽曰。潛探醫言。病必無傷。唯不令見人。吾行賂閹者。及看護婦。得至此一面。陰祈上帝。俾姊氏早瘳。女曰。近似有效。然感弟見存。令病軀稍有起色。骨肉悠悠。得我同種。同國之人。晤語其情。款乃逾於家人。語未竟。看護婦已趣行。女伸手。衾外子羽執而親之。匆匆掩淚而出。然微聞女之哭聲。已發。看護婦奔入止之。自是生散學後。必一至。求閹者傳

語。看護婦達意而已。不復求面。積十七日。女瘳。醫生仍不令之出。又十三日。女飲食如常。卽以書告子羽。子羽備車來迎。二人相見如隔世。遂同車至大逆旅。逆旅主婦見女。至承迎。不遺餘力。以女之揮霍。與此間爵夫人等也。三年業畢。約同歸。時爲四月十七日。以阿富汗公司船歸國。舟中二人之情愴。乃逾於同來時。舟人幾以二人爲未成婚之夫婦。子羽此時私祝舟行倍其日月。得與女長親。時中歷已漸漸仲夏。雖在溫帶。亦微灼。海中三日無風。舟行亦漸緩。船主則焦灼。以爲必遇大風。明日海上沈黑。颶風大起。舟上下千尺。高浪如山。檣竿盡折。舟行雖顛簸。然仍激行如矢。忽犬震一聲。舟轉不動。船唇已夾二礁之間。風盛浪激。船仍上下。而艙間水已奔入。黑雲破處。微漏月光。見礁外有一巨島。其上髣髴有人家。數處。去舟可二十餘里。船主以遠鏡測之。大喜曰。吾得生矣。破曉風力稍停。船主遂下舳板。郵箱先行。次婦人。又次孺子。子羽乃最後行。船小人多。幸風少平。一舟百餘人。盡渡。而島上人集如蟻。有以小船下海。將登舟取物者。島近安南。其中人種至雜。舟至島次。浪花四濺。女之襟袖盡濕。然在舟尙駭。願覓子羽。曾否生存。子羽之舟亦適。至卽以素巾高颺。曰。子羽幸未死也。女喜動顏色。島人盡下。

挪舟近海岸。岸多卵石。女着小蠻鞦韆。觸之頓踣。生急進扶掖。葱纖把握。其膩如脂。其柔如絲也。相將至一人家。爲吳來由種。頗能操中國語。近粵音。女能辨之。於是主人除舍館二人。女居後房。子羽居前廂也。女瀕行。攜得小錢囊。中儲金磅三十四枚。子羽衣襟之底。亦藏八枚。遂以三枚予島人。令具食。得鷄子各二枚。脫粟一盃而已。女不能咽。生饑腸如吼。不期立盡。女見而微哂。然女得二雞子。而精神亦略旺。令燻湯。女閉戶而浴。子羽則外出。自曬其衣。是夕臥處。但有一橙。女頗幸。楚島居可二日生。自患難中。視女益親。薄暮同餐。子羽忽淚被其頰。言曰。爾我萬里相隨。又同被患難。於此。然已慶更生。不患不能歸於鄉井。唯歸後如何。吾不得姊氏相從。厥狀較死爲酷。自顧斷無生望矣。女亦泣。然曰。然且奈何。子羽曰。自由結婚。唯西俗有之。中國則否。不審姊氏能不徇俗。見踵此例否。女結舌久不能言。心頗咎其唐突。卽曰。禮防所在。吾不能外越。而叛名教。唯出之以正者。容與老母圖之。今同在患難之中。偶不一慎。卽百死無可湔滌。弟其慎持此意。語後凜然。若不可犯。子羽戰慄無色。卽曰。姊氏不食今日之言否。女曰。信義所在。烏敢反汗。在私情言之。則情勝於義。在禮防言之。則禮重於生。弟慎葆此情。吾力守。

吾禮。彼此兩得之矣。子羽曰。金石之言。銘之心版。明日破曉。島中譁言。船至。島上揚白。麾以招之。須臾舟停。島外可二百碼。衆陸續登舟。舟爲美國郵船。遂至香港。時元化適升廣東藩司。子羽以被難事告其母。於是家人大慶。子羽又述蘭言事。母亦心儀其人。遂以媒介通諸有光。有光以女得嫁藩司公子。大喜過望。奩具所值可二十萬金焉。踐卓翁曰。有光俗物。安有此超軼。凡近慎持禮教之女。郎翁叙述至此。亦自疑所言之不實。

洪石英

洪石英。池州之銅陵人。前清光緒時。隨其父午樓司業。宦京師。居南橫街。光緒季年。京師男女之別。已溷。女子漸漸不以面生容。而靚其短衣小袴。偃臥於小車之上。而過市。固不如今之甚。然尙有曳長裙者。石英資白皙。如好女子。居常畏人見客。則面如血。長日對書而坐。文字頗佳。麗動人時。亦爲詩。往往得秀句。司業守舊。惡新學。初不令之入學堂。以故石英年二十一。未仕。且未聘也。司業語人。近日女子之蕩。檢軼範者。十居其九。吾但有此子。不能爲娶。文明之婦。得靜女。雖三十而娶。初未爲晚。而司業夫人周

氏。則欲亟婚其子。日令人物色。咸不得當。一日周夫人赴其鄉人劉部郎夫人之約。席間見全椒安太史之女。亮兒美艷。異常。長眉微闊。秀目炯炯。有光頤豐。而適合其頰。朱唇一點。絳如丹砂。既不恃脂而醲。紅頰亦不施粉而瑩。白蓋美人中之無上上品也。周夫人大悅。執手問年。女吐發輕敏。自言已二十矣。問讀書否。曰常觀世說。夫人不悅。謂世說爲晉人作。達之書。閨人安可寓目。乃勸其讀五種遺規。女微笑。頗不謂然。周夫人已心醉其美。欲爲其子謀之。則密商諸劉夫人。劉夫人曰。安太史懦。而其夫人悍。教女恆以抑制。丈夫爲能。又擇婿苛。必得通品。而貌如衛叔寶者始嫁之。性質復須承順。女志而無忤。以此三事故。問名者輒屏諸門外。周夫人曰。吾家阿英。不敢言通。然十七史已卒業矣。白皙如好女子。夫人之所見也。至於性質柔和。尤足深信。女母固悍。未必有鬻傳嚴。搗藁砧之杖。且吾家世忠厚。得女當默加感化。或不至有勃谿之聲。劉夫人笑曰。若姊氏喜聞獅吼。則我可爲冰人。唯後此。聞威一煽。不能怨及。執伐。周夫人亦笑曰。此事萬不相累。劉夫人果爲說之。安氏太史曰。是爲洪司業公子乎。吾固見之。沈靜嗜讀。玉貌如良瑩。琢成得婿如此。尙何求。唯亮兒暴厲。吾恐凌虐其夫。將奈何。夫人曰。凡

爲男子不傾聽。妻言其人皆劣品。須知婦人之愛其夫。挈耳世之妬婦。名雖非雅。心則至誠。男子但責女子以妬。設女子有外遇者。男子亦能以不妬自居乎。在男子兼愛。則義分使然。一至女子之身。則不忍舍其中心之愛。與他人者。卽名爲妬。吾謂不妬。則心不專一。爲男子者亦復何取。吾家亮兒。吾敢必其有貞操。至於嚴御其夫。則吾之家法使然。汝勿與也。聞洪公子美麗而能文。而又端謹。此吾女之偶也。汝宜趣其下聘。安平日尊禮其妻。如天神得言。如被嚴旨。卽東白劉部郎。請如約。旣下聘。以冬月成禮。安家頗饒裕。夫人又鍾愛其女。奩資至萬金以上。女以豐貂爲斗蓬。外施如錦艷麗如仙。合香之夕。女凝坐視洪。耶久始而微展其顏。旣乃肅然。生進揖。女不報禮。久乃曰。石耶。汝知西人之處室乎。生愕然。女曰。西人之求偶。偶其終身也。西俗之不置妾媵。卽恐移其終身之愛。分諸他人。須知兩心之沈結。合香之期。卽悠悠接於同穴。唯女子昧於析理。存此美意。不能宣之於言。但峻拒其夫之納。妾果使闡發其所以鍾情之故。亦何嘗自外於人情。惟男子有迎新棄舊之思。強坐女子以妬。此萬古覆盆。無可申訴者。吾蓄此隱衷。久知耶忠厚。故於夫妻定情之夕。痛白此冤。耶能聽之。固善。卽不然。我今爲洪家。

婦卽後來之洪家鬼。當以直氣正辭與耶終始。不然吾今日賦此豔色石耶。見而醉心設吾年老色衰者。又將奈何。雖然夫婦之愛亦須受之以節。能節則久。若縱而無度。耶赴修文。吾成婺婦。殊難堪也。吾生平質直。恨不爲男子。今夕嘉禮亦不能避。彼俗諺故灑灑洋洋爲耶述之。聽固由耶不聽。我自有道亦不患耶之他。逸綜言之。情愛所鍾。見耶吾心已矢金石矣。生聞言失色。不能遽答。久乃曰。吾身屬汝。一聽指揮。至於衷心。病狂移其愛汝之心。別有所愛。則天日當鑿吾誠。女微笑可其請。自是以來。生積愛於中日。則如面師保。迨女偶予一嘖一笑。卽如奉恩綸。女侍翁姑。時然後言。言極簡單。其對石英則如嚴母之詔。子偶不如意。狀態威猛凜不可犯。然於眉稜眼角之間。又微微露出無窮慈愛。生益對而忘倦。覺嚴事二親外。室中別有一半雲半霧。中一莊嚴美麗之愛神。幾欲望而膜拜。且筭簞間動必有節。生壯年受節。頗不能堪。顧擁此仙妹。惟恐拂其意。旨故事之益。度意以求親。女則推之愈遠。其心繇繇如情絲。然絲末似有利鈎。卽之固柔觸之則痛。暇日女焚香鼓琴。令生讀南華列子。以自娛。適期至。則穠如桃李。閒時仍冰若霜。霞生爲女顛倒。初不審有生人應爲之事矣。司業頗用爲憂。一日謂女曰。

新婦自蒞吾家。余夫婦欣適無已。惟阿英年事稍長。須令其躬執一藝。以自活。女笑曰。新婦目擊時變。天下且亂。正以吾翁心戀此官。不敢爲歸田之請。耶君博學。不患不達。顧此垂亡之天下。卽得官亦復奚用。吾家江上。不有三頃耶。新婦奩資。可萬金。卽謀歸隱。亦可自糊其口。胡戚戚於一官。且阿翁以名儒入仕版。六十三年。所官不過司業。令人齒冷。右郎俊品。新婦決不令其溷入風塵也。司業頗異其言。顧無如何。已而德宗上賓。新君乍立。天下微微已萌亂兆。司業亦頗欲辭官歸銅陵。而生忽大病。女終夕左右。藥誤疾益沈頓。女大悲。夜爇香於庭。以刀劔臂。下肉逾寸。投藥中煎之。臂血崩潰不止。女力縛以布。幸健旺不卽仆。而懷中孕且四月矣。生夜夢一金衣女郎。語之曰。若妻奇女子也。能伸訴人間女子之苦衷。今日劔臂爲若已病。夫臂肉寧足代藥。惟其誠足以感天耳。語已。髣髴以丹納其口。疾乃霍然。張日見女立床下。生喟然曰。吾妻乃剖臂耶。女大驚。且喜曰。愈乎。曰。愈矣。女曰。汝夢嚙吾實無其事。生曰。汝左臂何物。女驚顧笑曰。多着一衣耳。生卽不言。辛亥武昌事起。舉家遷於滬上。尋聞人言。女生一子。歸銅陵矣。

踐卓翁曰。有亮兒之明。暢快爽。吾許其妬也。他人則否。

栢梵娘

栢世祿者。辰州之盧溪人。祖大豐。以進士服官濟南。世祿宦山東。遂世爲濟南人。妻羅氏。生一子。弱甚。意更得壯子。遂禱於佛寺。夢一胡僧。授以桃實。其大如瓜。噉之立盡。明年生一女。字曰梵娘。而世祿遂搆疾卒。家有微資。弱子亦漸壯。能買梵娘。年十四。秀媚入骨。一日治針黹於門中。有尼托鉢過之。止而乞食。女見尼襪縷。然時時有異香襲人。異之。乃自入廚治湯餅。款尼。尼食已。謂女曰。女郎大有緣法。衲茅庵去此不一里。能時時過我者。大有益於女郎。女心知其異。母適外出。歸而述尼僧事。母愛梵娘。可其請。女遂訪行乞之尼于庵中。庵小而嚴潔。尼得女大喜。曰。女郎非佛骨。然授汝技擊。可也。先教以外家拳法。經年而熟。更授於鎗棒劍法。又一年而女已匪所不精。軀幹亦暴長。益豐艷無倫。無何。母死。兄娶婦。忌女所爲。日作惡聲。兄用婦言。亦時時不直女。女泣而念。母願以骨肉之故。不敢進。與兄抗。日咽粗糲。且代嫂氏操作。如傭婢。女一無所校。己而火發於鄰家。物事盡燬。兄嫂潛適外家。遺女弗顧。女蒼黃無主。遂奔尼庵。尼曰。衲夙爲

爾相固知其如此矣。然且留此。或有佳遇。時教匪方亂。武臣用奇。提督楊公。擁重兵鎮山左。帳下小弁徐彪。虎少年雄偉。有力如虎。衝鋒陷陣。當者盡靡。以功得守。備年二十未娶也。楊欲妻之以女。願女醜悍。徐不可。楊頗怏怏。楊有子至頑劣。軍中稱曰鐵蟹。惡其橫行也。鐵蟹於拳技甚精。日醉紅裙。恃勢凌人。楊溺愛。雖知亦不之問。鐵蟹一日獵歸。道中忽渴。停騎庵門。令從者索茶庵中。尼適雲遊。女出應門。爲鐵蟹所見。狂喜。卽入據佛堂而坐。調謔間出。女不之答。挺立亦無赧容。鐵蟹既恃勢。又復多力。從者六七人。皆如乳虎。環列庭墀。鐵蟹示意欲強劫去。然尙未發。卽問曰。劣婢識我否。我楊軍門公子也。苟從我。不乏衣食。且珠玉不難致。今蟄伏茅庵中。宵不令此好花朵。委荆莽耶。女不答。鐵蟹曰。若師何人。山東廟觀中。少年尼僧。名爲清修。梵行實與勾欄無異。汝卽其人乎。女不答。鐵蟹大怒曰。人惟自安苟賤。得良好之遇。恆交臂而過。余亦不更作絮絮語。今日卽從吾行可也。麾從者。將縛置馬上。女始微笑曰。此大非易。鐵蟹聞言愕然。曰。以汝纖穉。能寧容我一指。今言非易。何也。女曰。爾乍入門。吾以爾爲人耳。今乃知非人。直同獠狗。汝自恃門蔭。謂天下纖弱女子。均可以威力劫之。然天下男女情愛。皆在

却掠之中耶。我固非弱。汝亦弗強。以貴賤言。則我固平民。汝爲世閥。以公理言。則汝無故闖入人家。以威力劫人。閨女則盜賊耳。我知撲盜賊。不審汝之爲貴伐也。鐵蟹生平未輕挫辱。不圖今日見屈於女子。怒起曰。汝娼耳。言閨女乎。女亦大怒曰。狗何言。鐵蟹未待言畢。趣步搵女之胸。女少卻。駢三指。截其腕。腕痛如斬。大呼曰。此毒蠍也。左右趣前縛之。女不動聲色。而七人經女拳鋒所觸。皆抑翻一人。獨墜庭墀。可二丈許。以其人自侈多力。進撲甚猛。故被傷亦重也。鐵蟹知不能勝。即麾衆逃。女徐步掩扉。且言曰。倉卒主人。嫚客殊甚。乞恕我也。鐵蟹忿極。進語其父。言茅庵窩盜。當以兵取之。楊心弗善其子。弗允其請。鐵蟹懇諸其母夫人。夫人怒。以閨令趣楊出。兵。楊有季常之懼。不得已。令徐彪英以三十人往。徐知鐵蟹無行。怏怏受令出行。及茅庵。駐兵於外。不聽一人入門。叩扉立啓。見女赫然大驚。其美。卽令掩扉。女見徐白晳少年。且英偉如天神。冠服燦然。知爲貴官。卽肅客入座。徐曰。昨楊公子至此。探爾庵中窟盜。確耶。女笑曰。貴官聰明。視此盈尺之地。女又纖寡。何者。足以容盜。至於公子者。昨果至此。集多人欲劫婢子以行。婢子昧於進退。曾少創之。不圖今日乃嫁禍于小庵。竟以窟盜目婢子也。徐大驚曰。

公子多力能鬪。十人不能當。況佐以多猛。汝乃能一。一創之所。藝非小弱也。女笑曰。公子雖耳駢三指。觸其腕。腕卽欲僵。謂能鬪十人。誰則信之。徐曰。請言爾之家世。女泣然。歷述見棄於兄嫂。單寒無家。故淪落至此。語已且泣。徐慰之曰。吾必以善言報大帥。汝勿憂也。然今日必令人入檢。庶釋官中之疑。卽開門。厲聲呼此三十人者。入檢屋。但數楹。檢尋都盡。但得一木棒。無他兵器。亦無複室。及地窖之類。徐一一書之。麾衆出。衆既出。徐解一玉琴。置諸案上。顧女曰。幸爲我藏之。容再相見。我一身外。但有老母耳。女顏頰久不能答。徐入面。楊述所見。且召此三十人者。言皆如一。楊不能屈。事遂寢。而鐵蟹意。徐此行。必艷女美。自審不能與爭。計女必親徐而遣已。則慫恿其母。必以醜妹嫁徐。以敗其謀。楊夫婦皆重徐。勇而老成。卽以陸參將道意。徐大窘。但已遣玉佩。聘柏女矣。奈何。背之夜。詣陸公。懇辭。陸曰。余亦知楊女醜。顧爾身居帳下。半世功名。繫諸其手。徐曰。得醜女。不如棄功名之爲淨。靜。陸曰。如何。徐曰。行止未定。決棄此官矣。陸爲之太息不止。徐歸。束裝以老僕。徐發護其母。先行。徐本山西之壺關人。今作計歸壺關也。母行後。徐夜叩茅庵。女不發。隔扉問曰。誰也。徐曰。我徐彪英也。女曰。夜深禮防。有在君來。

何意。徐曰。我棄官矣。以卿之故。楊帥強我以醜女。我以留佩於此。不敢自負。其諾責。今奉母歸。壺關卿如以我爲足。偕老者願啓關。引見吾母。更以媒妁成禮。如不謂然。請從此別。女遲遲始答曰。蒲柳之姿。果見取於君子者。願備箕帚。苟有他意。不以禮自律者。吾寧死。不敢聞命。徐頓足曰。敢悖禮而食言。有如三寶。女匆匆啓關曰。今卽行乎。徐曰。馬在門外。度卿決無長物。女曰。惜有一劍。當師行時。言將有官人來。此將一切兵器。悉投井中。故君來時。但餘一棒。今不及取矣。遂急裝。同徐行。徐已預留一馬。待女。女超乘而上。輕捷如猿。徐大稱異。追及其母於逆旅中。女盈盈而拜。言曰。乞母見憐。公子脫婢子於難中。故來就母。非夤夜私奔之比也。母大悅。撫之如女。相將出山東界。遽迤向壺關。道行經一古剎。松栢上翳天日。然敝壞無僧。日已沈黑。遂入廊廡。微月出樹。見殿後有火光灼然。徐徐自內而外。女大呼曰。阿師奈何在此。徐驚曰。何人。女曰。吾師耳。徐母起而合十念佛。老尼進曰。夫人大有福。得吾女弟子爲兒婦矣。徐怪其前知。尼曰。衲所以留此。卽待爾夫婦之至。此間有窖藏數千金銀半之。爾夫婦得此。可以鉅富。衲世外人。初不嗜此。當時一湯餅之賜。善緣結。至於今。是亦佛門中一大緣法也。因導示其

處徐解襪。納金滿中。將加之馬上。且行。尼曰。可以在此少宿。明日上道。末晚。破灶煨芋。已熟。於是衆皆飽食。母卽禪榻中假寐。夫婦皆靜坐。徐僕亦臥廊廡。更深。徐及女皆睡醒。已遲明。視尼已不見矣。家人羣拜于庭際。遂歸壺關。諷吉成禮。逾年。女產一子。覓乳媪。至則其嫂也。女見嫂。相持而哭。問兄所在。則方備於人家。女告徐。急招歸同居。尋楊氏以鐵蟹肆橫。爲言官論列。落職。徐復任。以軍功得參將。

踐卓翁曰。梵娘者孝友人也。初見凌於其嫂。默不敢抗。正爲同懷之故。至于顛頓。不可自聊。幸而富貴。此天報善人也。而其嫂者。至爲人乳媪。舍其子而乳人之子。則天報施亦巧矣。而所乳者。又爲其甥。女不惟不念舊惡。且以恩覆之。此愈難矣。嗚呼。謂天夢夢。此說其信焉耶。

林鴈雲

林忠馥。乾隆時。閩中老諸生也。居東城。家世忠厚。積書數千卷。自支祖至馥。可十三世。歷明及清。無代不入學宮。顧得官少。登賢書者亦寥寥。然忠馥曾舉。責救一婦人。保全清節。得育其孤。故忠馥年逾四十。始舉一子。名洪學。字鴈雲。白晳如玉。十四歲已通七

經能詞賦。文宗接臨。令賦水晶宮。鷹雲下筆如駛。舉閩宮故事。如親歷之者。文宗異之。拔置第一。於是文名震一時。故家爭欲妻之。以女生。自以年穉。請諸二親。不願締姻。忠馥。躉其言。亦中止。生遂移筆研書籍。居桑溪僧舍中。桑溪名勝地也。晚明諸老。恆禊飲其間。修竹清溪。細泉宛宛。出自山下。佳石美木。葱翠爽肌。生日再食。自課極嚴。然於古文辭爲多。應舉之文。恆從略焉。一夕月明。忽夢至一處。長廊曲檻。柳風拂面。見橋外隱隱有水殿九楹。荷芰滿其下。時時見玉人三兩。衣鳳皇之衫。轉入綠陰而沒。而樹上鞦韆之架。高出林外。生自駭其地爲樂遊。橋何以境物頓異。正徘徊間。卽有人衣黃衫似宮監者。傳言陳皇后請。郎晤面。生愕然。此間安得有所謂陳后者。迷離中。已從黃衫者行入宮門。趣輦道。柳陰中。已是水殿之後。槐陰滿地。黃衫者不引入殿。乃繞過朱闌無數。其旁朱門嚴閉。最後入一小門。高柳蔽天。濕苔滑履。黃衫者令止。微叩朱扉。卽有女奴出。亦作古宮粧。長裙曳地。笑曰。歸郎至耶。生奇愕。答鄙人氏林。不姓歸。宮人弗答。第曰。勿辨。宮中伺候久矣。遂徐徐引入殿門。殿中陰沈。微微見鳳幄。幄開霧閣。雲牕似別有天地。有樓切雲。聞人吟詩之聲。聲婉而清。詩曰。自從燕子入瓊樓。無復西湖唱樂遊。

帳畫九龍歸去。後長春空鎖。暮煙愁生。聞而駭曰。此閩宮中陳金鳳所吟鬼詩也。吾今日豈遇鬼耶。顧至此已無如何。宮妾既入奏。卽見無數宮人出導生入。生愈駭。慄從諸宮人謁入。后珠冠龍袞。言曰。歸郎別來無恙。生跪曰。小臣林洪學。蒙內官宣召至此。僭謁宮掖。萬死不足自贖矣。后曰。宿緣未盡。此恨綿綿。郎尙憶九龍帳中思眷否。吾不日將託生人間。永嘉去閩未遠。郎更待我十六年。則年僅三十。論娶未爲晚也。憶之。憶之。因出珠鴈一。令宮妾納諸生懷。引生出戶。乃誤蹴宮槐之根。立躓而醒。以爲怪夢。微覺懷中有梗。探之果得珠鴈。然土花侵蝕珠色。無輝則決爲窰窰中物。自念前身必謂歸郎。鬼殆陳金鳳也。妖夢有徵。遂不敢背鬼約。顧因頓場屋。匆匆年已二十。有八二親相繼逝。咸恨恨生之。偃健不早論娶。乃不知生之求踐鬼約也。生自居喪。家益貧。有人舉生名於浙撫。以生善書。爲鷗波體。浙撫劉公亦於便面上見之。遂月以三十金聘爲記室。生私計永嘉浙屬。能浙遊。則去永嘉爲近。藉得探取金鳳再來之消息。既至。節署公事以外。輒至湖上。然私計永嘉爲地非遙。然無因至。彼恐爲同列所疑。於是旅食二年。則年已三十矣。亦知鬼約難持。顧金鴈固存。則似非尋常夢境之比。仍堅忍待之時永。

嘉忽搆匪亂。自台州起事。寇氛扇及温州。永嘉士夫之避地者。爭趨會城。浙撫命副將魯公仲西。以兵二千人援溫。生請諸撫軍。隨營自効。撫軍壯而許之。生遂爲魯公司公牘。明快絕倫。且所議論洞中機要。魯公倚爲左右手。既至溫。匪望風而潰。魯追斬無數。匪復竄歸台州。魯振旅入城。魯居府治。生爲紳士。陸君延接至家。以陸亦佐撫軍之幕。與生契合無間。陸家頗有竹石亭館之勝。生出自魯公之幕。卽歸陸家。居其後軒。一日微醉步池上。忽聞有女子鉤聲自竹陰。出生睨之。則一絕代麗妹。卽夢中所見之陳金鳳也。狂喜欲奔其前。陳述夢中事。願以禮防自攝。遂戢足弗前。退隱窗間。而女之霧鬢雲裳。已翩翩過其窗下。眉目無一不肖夢中之人。卽其侍兒亦卽夢中引己者。驚極幾欲失聲。而呼。又計此女面龐既肖。則決知前因。或且憶及珠鴈。不如自窗中擲出。此鴈冀女拾得。迴憶夢中之事。卽不吾憶。然贈此珠鴈於玉人。亦可物歸故主矣。謀定卽從窗中將鴈擲女前。女行已二十餘步。侍兒聞聲迴顧。卽呼曰。鳳姑。吾拾得珠鴈矣。女大驚曰。果有珠鴈。耶。侍兒曰。婢子胡敢妄說。女大息曰。天下竟有再來因果。耶。鴈存人亦非遠矣。遂行而侍兒尙立顧窗中弗去。生見女轉入小門。卽突出揖侍兒曰。此鴈爲鄙

人所擲。今不暇他言。但問鳳姑所言。天下竟有再來因果。是何言耶。侍兒曰。先生得母姓歸。生大駭曰。然此鄙人前生姓耳。侍兒曰。然則鳳姑前世亦正姓陳。生益愕曰。此語兩兩奇幻。女郎能爲我言其所由起否。侍兒曰。鳳姑生時。卽能言。太夫人飲以狗血。始默。所言蓋云。身爲閩宮之陳金鳳。再生來嫁歸郎。有珠鴈爲媒。卽殉葬物也。並言諸暨吳姓生女。當以金鬻取。卽我前世之侍兒。兒適諸暨人。太夫人如鳳姑言。購我。我不解何故。一見鳳姑。卽心動。如晤故主。主僕之相。隨形影弗離。迨太夫人西歸。始出手記示鳳姑。言必得珠鴈者。始屬身。此語吾家公子亦稔聞。願不知歸郎爲誰。今先生旣自明爲前生之姓。又有珠鴈爲憑。故鳳姑歎爲宿因。實則鳳姑尙未悉先生之爲林氏也。生曰。煩語鳳姑。吾待之十六年。未娶耳。侍兒歎息別去。生遂出面陸君。談次問及家世。陸曰。山妻及二子外。尙遺一妹。年十六矣。似有夙因。生而能言。飲以狗血。遂止。願亡母遺命。必得有珠鴈者。嫁之。生聞言。故檢其衣囊。覓物。忽頓足曰。吾失珠鴈於後園矣。蓋不言投鴈。而言失鴈。請陸問諸家人。而侍兒解事。卽自承於池上。得鴈。陸大喜曰。不圖良緣卽屬良友之身。遂訂約以鳳姑歸生。陸故儉家。因亡親之囑。奩具甚豐。生亦以軍功

保舉得知縣。卽任諸賢。大有政聲。因並納此侍兒爲妾。

踐卓翁曰。玉簫。荆寶之事。特小說中悠謬之談。毫無足據。今踐卓翁所述。亦得諸人言。安知不因翁爲小說。以易錢。故憑虛構此一層樓閣。以銜人耶。彼妄言之翁。妄載之諸君。亦妄聽之可也。外國小說。汗牛充棟。而尙不止。豈眞皆有實際。觀者固不必嘖嘖於踐卓翁也。

呂紫娥

山東之曹州盜藪也。而爲之渠率者。或爲牝賊。號召徒侶。嘯集至數千。以外立社。結砦。備官軍如待嚴敵。前清毓賢守曹州時。殺人如麻。府前列長檜。得盜縛置其上。穿檜爲巨穴。貫辦穴中。嚴挽之首。不能仰。更反剪其二膊於檜下。再縛其足。坦膊俟刑。刑非剗。腸出肝。但以至巨之穴。推論一力人。高舉而椎之。肝胃塞口。面出有肚皮。立時開裂者。慘狀不可目觀。然盜終不息。盜寇三娘子。至投棗設帳。延毓賢赴飲。毓賢戮然將行。募客力止之。始已。於是行旅相戒。非得標客爲衛。不敢出曹州。永城朱生一鶴者。仗義尚俠人也。十年師少林。能聯數矢一貫。而出發匪不中。運單劍捷疾如飛。烏升屋踐瓦。

輕若飄葉。然美丰儀。能詩望之。不知其武技高出百輩也。一日以事至曹縣。去縣四十里。居村店中。薄暮有數人帶血而至。言道遇盜。剽既喪其金。且被創。幸未劇。官中既無可愬。計唯死耳。朱惻然問客姓名。則西賈也。言挾有標客同來。盜爲翁媪跨蹇。驢不挾兵器。近之輒創。爲術至幻。朱旣以藝自高。遂問賊蹤所向。則云北嚮入密林中。朱循迹而往。林盡果得村。茅茨數十。忽見危樓聳出。老柳之中。用以繚垣。門外黑驢方縱。野草小橋流水。凜然觸石。作聲。生旣過橋。新月已上。纔過繚垣之後。聳身升屋樓中。燈火熒熒。果見老翁並坐。注酒腸中。側坐一女。年可十七八。雲鬟委綠。背面內嚮。然粉頸之膩。潔較牛乳爲白。翁旣引滿。謂媪曰。午間西客。余以爲必挾多金。顧寥寥二千餘。乃張皇需及標客。而客又雛穉可笑。乃敢進抗老子。余已三年不殺人。正爲妮子將來造福。生聞言。計此翁行剽決矣。自窗隙中猝發一矢。翁以箸夾之。笑曰。是胡來。生矢如連珠。凡七發。翁皆從容夾之。以箸笑曰。是已。頗不惡。顧媪。汝出視之。翁語未已。生覺背上有物。其利如錐。已陷入臂。顧之媪也。提挈如嬰兒。入樓。迎面已見女。亭亭天人也。觀生儀表。一顧旋俯。旣又微矚。艷媚之態。使人不可描畫。翁起肅客曰。孺子大佳。叟生

平。未。有。一。人。來。犯。者。孺。子。乃。能。如。此。可。云。勇。士。願。必。受。人。委。託。而。來。質。言。之。生。曰。翁。負。此。蓋。世。之。技。媪。之。舉。我。如。將。嬰。媼。是。稀。世。之。英。雄。出。羣。之。豪。俠。奈。何。作。賊。使。西。賈。蒼。黃。將。覓。死。於。逆。旅。中。翁。果。殺。之。道。中。寧。不。省。彼。一。場。悲。哭。翁。自。謂。仁。恕。乃。不。知。彼。之。失。金。較。亡。失。其。性。命。爲。尤。劇。某。少。年。任。氣。不。審。輕。重。冒。然。而。來。自。知。不。敵。今。但。請。死。他。無。所。冀。乞。翁。迅。出。寶。劍。勿。令。我。遷。延。留。此。須。臾。之。命。翁。視。媪。微。笑。媪。復。視。女。似。待。決。其。進。止。女。忽。從。容。言。曰。客。言。殊。凜。烈。有。丈。夫。氣。願。阿。父。已。言。爲。兒。造。福。矣。久。之。無。聲。翁。笑。曰。即。汝。不。言。吾。寧。殺。之。少。年。且。坐。飲。趣。告。我。以。姓。氏。老。夫。呂。姓。世。翼。洗。手。垂。十。年。久。伏。蟄。不。出。昨。者。與。荆。人。進。香。於。山。寺。道。見。西。賈。擁。二。標。客。氣。態。魁。岸。似。輕。藐。吾。曹。人。者。略。與。爲。戲。而。已。老。夫。窟。金。樓。下。多。此。千。倍。是。淺。淺。者。膏。污。吾。指。顧。壯。士。既。爲。西。賈。而。來。明。日。即。遣。還。之。今。且。盡。此。杯。中。物。耳。生。憬。然。遂。告。以。里。居。姓。名。翁。問。連。珠。箭。得。從。何。師。朱。曰。出。自。少。林。翁。太。息。曰。少。林。家。法。近。來。衰。矣。然。足。下。能。便。捷。如。此。良。非。凡。手。問。此。外。尚。精。何。藝。生。語。及。劍。術。翁。傾。聽。如。不。屑。意。既。而。曰。若。論。外。家。足。下。已。臻。極。詣。更。得。老。夫。爲。若。指。引。當。更。有。進。惟。足。下。既。以。盜。疑。我。良。不。敢。相。師。生。鞠。躬。言。曰。先。生。若。肯。下。教。願。留。受。業。

翁媪咸大悅。立命陳酒進穀。且飭家人除舍。以款客。衾枕溫軟。室中雅潔。明日翁引生入舍後廣場中。命生舞劍。從旁一指。其舛漏。復導以騰躑擊刺之法。於是十日。生恍然已歷異境。較之宿能。殆判若雲泥矣。然十日中。時時想望女郎。而形影都渺。所居屋。雜樹叢密。不審竟有小徑。他出一日。飯罷循徑而行。繞過月門。見花籬一道。玫瑰花鮮艷如錦。竹闌數折。盡處有淨室三楹。珠簾。地虛靜。無人聲。生肆然冒入。入時。卽見古劍懸於牆上。視之。劍室有銘曰。出不關仇。惟是吾是。彼荆聶者。雖耳。又安及吾鋒之利。魯郡女郎。呂紫娥。珍玩架上。縹緗無數。案有馮定遠。及趙秋谷集。生笑曰。此真不出鄭志耳。方徘徊間。簾聲已動。女猝入。見生奇駭。二頰皆頰。生倉卒不知爲禮。徐曰。飯後心愛綠陰。不圖信步。竟犯莊嚴之地。師旣以骨肉視我。敢請以女兄弟之禮相見。或不致於嫌忤。語次。長揖。女曰。通家固有禮範。然無心至此。烏能引爲兄過。適立簾外。聞兄見。馮趙詩意。似不屑。妹稚弱。無師敢問。馮趙果不可學。耶。生曰。否否。漁洋以富艷之筆。已開吳歛。定遠秋谷。獨以寒潭瘦竹之姿。別成宗派。名固不足以敵漁洋。然骨力之適。風致之高。亦足掃盡膺體。是皆鞭心入裏之作。不易至也。妹以天人標格。乃顧盼及此。兩

家其視尋常閨秀習作韻語實不可同日而語。敢問妹氏壁上古劍之銘。固屬大筆。師門授受。於此術尤必精深。能否容阿兄承教。女大慙。卽曰。弱質仗此何爲。顧阿翁必欲以此見授。七年以來。習之爛熟。所長僅能斷人眉鬚。不令劍及輔頰而已。生大驚曰。如此直神技耳。已聞侍婢傳媪語。趣女出生。亦怏怏歸。顧玉容媚語已一。一印入臆際。如是者累月。生藝已大成。與女亦馴習如骨肉。一日忽傳官軍至。翁召生入口。老夫一見足下。已欲以室女相託。老夫夫婦鐘漏垂歇。卽遇官軍。寧在所懼。顧居此非良策。永城爲中州名區。居以安適。今夕卽爲室女具花燭。用侍君子。老夫已具兼金數百鎰。用爲奩資。明日趣行。勿滯勿滯。迨禮成。而兵警愈急。女乃泣別翁媪。隨婿歸河南。已而毓賢他調。治盜之令稍緩。而翁媪亦時至永城視其女。踐卓翁曰。北人拳勇。實精於南人。南人荏弱。恆習爲柔法。以蹶北人。顧其法非良。終以詭勝。今茲槍礮之烈。劍術已屏無用。况乃拳技。若呂翁夫婦者。頗溫雅無曹人獍悍嗜殺之習。惟劇盜之女。胡以能詩。且能取經荒僻一派。是誰爲之師者。然小說家言。往往突兀。無可取證。讀是篇者。亦但以小說家言視之可爾。

胡燕玉

胡燕玉者。廣東南海縣之故家女也。豐腴而白膩。常結髮爲高髻。人爭艷之。顧奇悍。無問名者。胡翁固有資產。母梁氏。極鍾愛燕玉。恣其所爲。燕玉雖以悍名。而甚貞潔。一語涉。嫚。輒嗔怒。不可遏抑。戚黨目之。牝虎。無一人敢撻其怒。歲時或吉慶之事。女伴過從。咸承望顏色。燕玉亦恂恂處人。以禮乍見之。決不審其咆哮。無能以人理喻也。同里薛司業公子。薛載琪。貌美而纖弱。如好女子。能書善詩。與胡毗鄰。心艷女美。然不敢微示其意。一日。胡翁誕辰。公子往拜。行經廊樹。時夏初。雨盛而池平。垂楊數株。披拂水上。有鸚鵡一架。懸於柳陰中。遙遙見燕玉。方仰面而調鸚鵡。無意中見。生過却起。而爲禮一笑。嫣然。生神魂爲之蕩漾。此時決欲得燕玉矣。乃窮告其叔母李夫人。夫人笑曰。兒不畏牝虎耶。此女爲彼母溺愛。長養其暴厲之性。得婿賢也。則陽蝕而陰張。非家庭之福。若亦遇剛烈之男子。則彼此互角。其鋒非一人短折者。其禍不止老身。非謂女子必須屈抑於男子之下。不過婦司陰政。道主柔順。古訓謂之夫夫婦婦。爾不觀歐西之婦人乎。前此百餘年。歐洲婦人之擇婿者。多取武士。果其婦皆悍妬。胡不取柔弱易制者而

嫁之。必須此糾。洗洗。又胡爲也。今汝盈盈如女郎。勢不可以匹。牝虎安可妄萌。此念且吾家世。忠厚若父。又慎持禮節。或悉牝虎之鋒。余卽代爾請於若母。而若翁亦萬無允諾之理。天下多美婦人。何必妒生。笑曰。母言固也。然婦人縱暴。必含一種柔婉之質。兒動之以誠約之。以情虎威。必齟。母勿爲兒憂。夫人一笑置之。亦不爲告之生母。時秋闈伊邇。生闈中十三藝。皆琳瑯璀璨。如錦繡珠玉。主司拔置第二。生文名旣噪。求婚者爭集。生竊告人曰。吾不得胡氏。燕玉終身不娶也。聞粲者然。爭以生爲愚。駭司業在都聞捷。但趣其入都。而生母則急欲爲生論婚。生大窘。往哀李夫人。乞爲道地。夫人亦憐生。遂不能守前議。亦爲商之生母。呂夫人。呂夫人大驚曰。阿琪風邪。奈何。引虎自衛。李夫人曰。吾察兒意甚堅。且天下事。咸有前緣。兒自謂能誠動而情感。或且無事。且胡女雖悍。却美而貞。美旣爲兒所悅。貞亦婦人之行。大節無虧。不如許之。呂夫人嘆曰。癡兒後此爲悔晚矣。今姑令計偕。名成當爲議之。生聞言而悅。北行時。亦走別胡翁。翁大稱其能。延飲。生冀得見燕玉。具衣夙至。自晨至午。尙未接玉人聲影。不期行及池上。而鸚鵡仍懸廊次。生進調之。鸚鵡呼曰。玉姑娘。趣來。一生客拔吾羽毛矣。鳥聲未已。而簾中

卽有人作嬌嗔曰。誰敢動吾鸚鵡者。攀簾而出。着藕荷木棉之裘。梳掠新就。容光撲人。初尙瞋視。見生嫣然微笑而入。生大喜過望。以爲人謂牝虎。此直天仙化人耳。寧言虎耶。席罷。歸語李夫人。夫人心知其陷溺已深。顧無如何也。是科果捷南宮。入詞垣。司業得呂夫人書。言將求婚於胡氏。司業老人亦無以胡之悍告司業者。遂匆匆作書覆夫人。允其婚。生遂自玉堂歸娶矣。成禮之夕。生揖燕玉曰。池廊之上。挹卿玉容。自是耿耿於心。計不得事。卿則終身爲無福。今幸以兼葭依玉樹。吾較名忝科名之錄。爲幸已多。燕玉曰。汝知吾生平乎。吾固以悍名於三鄰。中然彼輩碌碌。殊不吾愜。卽稱余悍。亦不之怒。今爾既慕吾。則爾終身爲吾心上之人。一動一息。咸須承吾命。令怒必苦汝。雖爾之毫毛。皆吾所有。吾生與爾共其軀殼。死與爾同其窀穸。吾一日生存。必不令爾一刻有離吾之日。則夫婦之情。始摯。今夕盟誓。卽定終身矣。生不期投身入懷。燕玉卽撫之如弄嬌子也。於是情好至篤。生每有失檢。經燕玉一視。卽戰慄如遇嚴師。然燕玉幸能以禮事其姑。卽李夫人亦漸漸愛燕玉。司業尙有二子一女。燕玉皆相處無忤。唯處其夫。則嚴冷如霜雪。迨朱扉乍闔。斗帳雙垂。兩情沈結。至於無言可喻。生似晝履河冰。而

夜曝旭日不惟無纖毫之怨而轉爲人生艷福止於是矣。旣供職部中。跬步不能猝離。盛怒則褫生衣。令伏而笞之。笞已。輒撫摩其創而泣。嬌啼宛轉。生對之神痴。不自知其楚司業微聞之。亦不敢問。同館中有知之者。則與生爲戲。生夷然謂爲生人。應有之責。無所謂。悍轉不敢浪遊。自守其貞。用報其妻之恩。眷一日有沈君與生約看花於崇教寺。生請閻令以二小時歸。乃小飲市樓。生蹶踏不自寧帖。沈笑曰。吾送君歸。胡戚之有生終不懌。席罷日已逾午。憂形於色。沈送之至門。甫及庭墀。而窗中白摺如蚊蝶翻飛而出。繼則墨合湖筆亦激如砲彈。疾如流矢也。送者失色。而生遂入。受笞撻。承過無己。胡笑而生亦笑。心中以爲嚴霜以後見暖日也。某日某日爲胡生辰。生爲強有力者。挽遊西山。本以午歸。爲胡申祝。迨抵家已暮。然生出時已預戒庖丁。延客爲胡稱觴。及歸而庖人已爲胡斥去。一堂沈闇如墨。入問臧獲。何不爲夫人然燭。正詰問間。而鞭已及背矣。則長跼謝過。仍久不赦。至三錢之府。封於何時。則外人無從而知也。明年生得雲南學政。閻令益嚴。好合益固。非日高不令起。藩司來拜。久坐客廳。胡曰。時未至。汝不能出生如約。終不出。藩司知狀。長笑而出。然胡自至薛家。其處下人未嘗行虐政。而獨於

生跬步咸忝之。離生中年構疾卒。胡哭盡哀。踐卓翁亦臨弔。見胡如常人。疑牝虎之號妄也。

踐卓翁曰。如胡者非悍也。蓋心愛其夫。切誤以夫爲子。故痛責之耳。略迹原心。度其離房之間。必不類尋常之好合。薛生者。心愛其妻之美。而又隱被其恩。覆雖明被笞。撻以爲此愛極。故葫其怒。嗔非眞與己仇者也。天下自極渴之中。得漿而飲之。甘乃愈。恆自盛饑之餘。得脫粟而啗之。飽亦過度。胡若日日以愉色甘言與生相接。日久轉滋其厭。不如加以不測之威。稜卽繼以纏綿之恩。意迴霜收電。則身被者格外蒙麻矣。胡氏不惟善於用情。而且善能相夫。此等異稟之偉婦。人賞識不當加以常眼。踐卓翁忠厚待人。讀者當知吾敘事中未常少加譏刺也。

天天

天天者。閩井樓門外之村家女也。閩之村女。粧飾如鳥。潛白足如霜。青裙縞袂。而天天尤豐豔。而長頸淨潔。如素粉。高髻作漆色。朱嚶秀目。耳垂雙金。環恒擷其園中新菜。入城賣之。於是城中少年之游蕩無業者。恆與交歡。當翁中年時。曾至井樓城外。城外溫

泉之窟也。列澡堂無數。名曰六一泉者最佳。而天天此時年近三十。亦設澡堂於六一泉之次。小池菱芡都滿。老榕翳鬱參天。大可經畝。一望如蒼山。朱闌畫牕。隱約樹間。即天天堂也。一時名流咸顛倒之。有人贈以楹帖云。不見我心長孔棘。再來人面已如桃。桃棘均有天天之稱。句雖非佳。然亦巧矣。天天家亦甚雅潔。小籬柴門。汎掃無塵。其所交不擇精粗。然其最愜心者。則爲旗人普善。普善者。慙猛少年也。天天既與之合。往來無間。時同旗有所謂七巧十土者。兄弟也。能武而作橫於鄉里。見普善據有天天。心妬之。則百計營謀。自進於天天之家。內功竟出普上。天天之寵。亦移普而就七巧。普不能甘。一日相見於酒家。論天天之美。七巧稱不容口。普怒曰。汝敢近禁癩耶。七巧曰。鷄鴨魚肉。得則食之。何言禁癩。無論是女蕩過勾欄。盡人可有。卽爲爾房下人者。苟屬意於我。爾將奈何。普曰。物有先後之別。我先入者也。爾既友我。卽爲奪人所愛。七巧顧十土曰。是人安可理喻。十土突起一拳。中普鼻端。衄乃大至。普舉案上杯盤。擲十土。七巧笑曰。丈夫不以拳勇臨敵。乃飛及盤盃。弱也。彘進。搥其胸。抵之於地。十土進助。普大創焉。扶病而歸。私計不仇復。無以爲男子也。一日創平。至天天家。天天者。沈深不以冷煖示。

人者也。相見慰勞。普述所苦。天天曰。我一心持平。於爾及七巧無所偏愛。能彼此相容。則爲歡長。若構兇隙。將有性命之憂。無爲也。普曰。此事安能均。非角力莫可。語未竟。而七巧聲於門外。天天啓後戶。潛出普善。普益恨曰。此長生殿絮閣中事。啓後戶者。令江采蘋避玉環也。我安能抑抑聽人獨專此豔。遂過其友平安家。述所苦。平安爲之畫策。令與七巧兄弟交歡。二人均利。普思復仇之機。在此矣。凡刺仇者。防不得近。彼果處不疑之地。則爲力頗易。於是從平安策。大置酒。延七巧兄弟至。普長揖言曰。我乃不量。妄與君兄弟角力。天天一女子耳。得失不足爲輕重。乃必結怨於豪傑。爲計左矣。今請舉天天之身。一以奉諾。爾我相約爲兄弟。患難共之。不日將考前鋒。我射不及君之必中。願相從爲弟子。教我以射法。七巧兄弟固多力。而弗省人事之僞。則大悅。以爲服已。於是盡歡。自是以來。普善每日必朝。觀劇縱酒。匪不先意承志。事七巧如師保。遂賃一屋於幽僻之所。習射。普善之叔父某。素封也。普無賴。某畏之。月予以金。普卽用是金。以飲七巧兄弟。飲次傾吐肝膈。遂結爲異姓骨肉。然酒酣爲戲。偶爲七巧所挾。卽大聲呼救。遠鄰集視。已知其戲。咸怒詈而去。然隔數夕。必飲。亦必聞呼救之聲。始尙有臨門外。

而聽者。繼知其狂謬。遂無至者。而七巧不之悟也。時爲秋節。月明如晝。普曰。今夕必置酒對月。十土適有事。決不能至。普固已知之矣。酒酣。普謂七巧曰。兄試縛我於樹間。我能自脫。普固學得術。術解此戲。七巧如言。嚴縛之。普咄嗟之間。繩盡落於地。於是復飲。七巧已醉。必求傳其術。普故不可。再三強。普首肯。另出巨繩。引七巧至樹間。縛之急。七巧頗疑。普笑曰。君不欲傳吾術乎。請下之。七巧曰。趣告我以解法。普曰。尙有符籙。必以相授。兄默念符咒。繩卽立解。七巧曰。趣以符來。普入室解衣。乃不出符。而出刀。面七巧言曰。天天之事。吾日未去懷。我先而汝後。汝公然力奪吾愛。且拳我。使天天之愛我。渙然如冰釋。我今不能置汝地上矣。七巧大呼殺人。四鄰久聞其聲。又以佳節飲醉。竟無一至者。普進刃。啓其腹。腸胃盡出。貯之小籠。納諸溷中。繼斷其首。與手足並納之。汲井滌去血污。營營達曉。存一斷掌於懷。挾刃往尋十土。迨相見。十土曰。吾兄胡以竟夕不歸。普言亦卽來尋若兄。聞其至東山。不審何作者。十土乃相約同行。甫抵山半。普出刃。刃十土之背。十土大呼。帶血而奔。普追至山下。爲人所見。時曉色模糊。普遂出捷徑。避去。入叔父家。乞賞。將遠遁。叔怪之。普遂一一述殺人事。叔不之信。普出斷掌擲案上。

叔大驚。則僞撫之。留飯。陰以人告官中。衆執械縮鎖。縛普以去。抵官。忼爽自承。一無所諱。問尸所在。乃不言。官以人迹之。得之溷中。七巧首級。均陷汙穢。十土創重。幸得善藥。遂不死。獄定。決於東門之市橋。是日旗人與普契者。咸崇酒於觴。道飲之。中普出。作椎結。弗縛。髮上塗以膠青。且行且詈。衆爭觴之。而刑者則握刀尾其後。登橋後。下橋甫二級。力刃其頸。首立下。刑者狂奔。蓋一留則拳及其背矣。此爲踐卓翁所親矚者。故記之特詳。天天逾十二年死。死時尙明媚也。

中華民國七年十二月出版

畏廬短篇小說

定價大洋六角

著者 畏廬老人

校訂者 懜懂書生

出版者 畏廬


印行者 普通圖書局

總發行所 上海五馬路正豐街口普通圖書局

分售處 本埠各大書局



版權
所有



63

2